

杏化

即墨是莒亦齊之大都會也金索載卅四種余所得搨本廿三種却有馮氏所未備者

齊寶貨刀背有吉字舊說作齊吉貨馮晏海以為古寶字

節墨刀文曰節墨之杏化節即古通金石志言之墨作墨馮氏釋為即墨邑之

寶貨舊說作吉貨邑字未的疑墨即墨之異文非兩墨邑字

杏古寶字化古貨字也背有工字金索載即墨刀十二未見此種

安陽刀文曰安陽之寶杏化寶背題十貨二字安字从广見汗簡

此又變从厂安陽莒邑見後漢趙彥傳注金石志云安陽屬

宋國

齊刀文曰齊寶杏化寶舊說釋為杏九或又釋為吉化皆非化即

懋遷有化無居之化古貨字也背文題一甘字

貨布刀洪氏泉志宣和年蒙城人於田中得古刀柄端有方

寸七三字彷彿隸書身有文曰貨布五百疑莽所製鑄此即

是也

齊途陽刀文曰齊途陽杏化寶貨途字馮晏海疑為遲遲第四

字未可強說背文有一吉字吉上或以為丁或以為甲金索

載是刀兩種文均少異此刀篆法不甚制作亦不精或仿為

之耶

日字刀長五寸六分寬六分形直面文有一日字可辨不審

何代所鑄

金錯刀文曰一刀又曰平五千錢氏故物有小廬先生名印
大泉五十范底列富人大萬四篆書金索云形橢員而長兩
行列泉六枚半字半背分布之大萬猶今人云巨萬漢書劉
向傳功費大萬百餘案瓦當文有云樂當大萬者疑與此同
意俞大學以萬為舞名凡樂皆以大稱如大咸大磬之類
又縱三寸一分橫三寸五分底列大泉五十二枚正背各半
背存日利千三字千下所缺似萬新莽時所造也
大黃布千范橢圓長四寸寬三寸二分底作布泉面背並列
文曰大黃布千范背無字
貨泉范郭止亭所藏方二寸六分中列貨泉面背各二

又兩種一橢圓而長長五寸一分寬三寸三分峻邊中列貨
泉二行四面四背底分四格文字不可辨識上二格內尚有
字蹟隱起一方三寸七分中列貨泉面背各二底無文此皆
非鑄泉所用者器經烈火青綠黯然矣小者尤甚

捐本一器高高二寸許廣約四寸下半斷缺鐫刻齊刀貨三字僅存
寸許不知何物亦不審是銅器與古磚否也辛巳五月伯寅所

遺

周豐宮瓦當外大父亦軒先生所藏阮文達攷證極詳王司
寇纂入金石萃編憶卅角時隨侍我母至膠每一摩莎不忍
釋手忽忽幾四十年矣先慈見背已十九載錢氏自兵燹後

凋零殆甚是瓦亦付劫灰回首前塵何可再得己巳十月從故篋中檢獲是紙函付裝池並書數語以志愴懷不獨吉光片羽留傳天壤無多也 補訪碑錄載大興劉氏所藏丰字瓦云文作𠄎與原書所載𠄎字瓦異案瓦文原作𠄎下畫不平孫書誤刻作𠄎特此係二𠄎相並彼只一𠄎為異恐好事者為之今錢氏後人亦嘗以舊搨本摹造矣壬申又識十二字瓦當文曰維天降靈延元萬年天下康寧瓦出阿房宮故基諸家皆斷為秦瓦金石萃編載有三種金索有二種其第二種即萃編之第一種其第一種即此是也降字右从夊與它瓦作夊夊多為合於古矣

永受嘉福瓦俞氏以漢書董賢傳更名其舍曰椒風釋為椒風嘉祥云椒作𠄎反書風字上加虎取風從虎之義程氏據漢武帝迎風宮釋為迎風嘉祥萃編載之馮氏云末一字明係福字當是永受嘉福四字文似秦璽宜定為秦瓦其說近之是瓦世不多見乙巳夏見此本於廠肆椎搨頗精以百錢易之訪碑錄作永壽嘉福受壽古通借以篆體審之作受為是無煩易字以釋也

宗正官當瓦下方缺損道光丙申得此於崑山生平所藏金石此開其先案宗正官掌親屬秦漢皆有之史記正義引應劭說周成王時彤伯入為宗正是又在秦以前矣以字體審

之當是漢物

長生無極瓦橫徑七寸二分上半輪郭無存此瓦流傳不少
萃編未載偶未得耳舊說云未央宮瓦程勉之以為阿房宮
瓦文字茂滿與石索所載同

又有外曾祖可廬徵君銘刻於輪背迄今八十三年矣瓦燬
於兵火搨本亦僅有存者銘云西京遺刻瀉古可式置之坐
右世守無極乾隆丁未四月四日辛丑錢大昭銘已已付裝
書此

延年益壽瓦輪郭微損辛未夏朱星垣持贈

長生未央瓦徑六寸三分上輪已缺下輪鐫款廿二字云丙

午_五重陽後一日海昌日畊農陳恕得於邸寓之雙清閣輪
側又有未央題字云道在瓦礫丙午冬日日畊先生屬題曲
阜桂馥目耕得此瓦於雙清閣余得是瓦新以宋蔣時所題
雙清室三篆書製為齋額亦適逢其會矣

千秋萬歲瓦徑六寸六分右上角輪郭墜落秋歲二字亦有
剝損諸家皆以為未央宮萬歲殿

又兩種一徑八寸四分一徑六寸二分文同而篆異

千秋殘瓦小廬先生為予題云漢千秋殘瓦亦藏予處憶十
蘭兄曾有萬歲磚俱係宮殿中物可寶也輪側鐫有銘記云
千秋殘瓦遺漢宮錢郎作硯傳無窮老木為靜孺銘凡廿字

靜儒舅氏小廬先生冢嗣也余弱冠恒摩莎之至今猶在心
目間壬申識重裝成幀并識之

都司空瓦輪郭有第五硯三分書木夫先生所鑄記藏研之
次第也

永奉無疆瓦瓦在粵東某氏有松生手搨印章申氏以為宗
廟所用

八風壽存當瓦右上邊微缺朱氏釋為益壽存富殊誤此瓦
當字極明與它瓦非下作冂者不同

萬物咸成瓦諸家皆以為長秋殿所用秋為萬物成熟之候
理或然也案疑是農官之瓦上林少府大農太僕各置農官

延壽萬歲瓦或萬歲殿瓦或延壽觀瓦皆無不合

上林瓦一圓徑七寸餘一圓徑四寸九分無輪郭文字較小
制作亦異

右司空瓦右司空瓦也少府屬官秦漢皆有之

有萬意瓦馮晏海讀為萬有意案宜富貴當瓦中列千金二
字此作萬者其意正同不與有意連綴成文也錢獻之嘗得
此不全瓦僅見萬意二字

便字瓦當是便殿之瓦或讀為傳謂施於傳舍者亦未可知
上七本均有何瑗玉印章

方春蕃萌瓦當是宜春宮物或謂春位東方東宮所用之瓦

疑未必然

長樂萬歲瓦其為長樂宮物與萬歲殿所用均不可知關中金石記金石萃編兩漢金石記潛研堂金石目皆未之載訪錄據陽曲申氏本錄之石索亦載二種其篆體位置均與此不同咸豐丁巳得此拓于廠肆疑是燕庭先生所藏

鹿甲天下瓦上作二鹿右走形下列甲天下三字左讀俞太學以為天祿閣所用程氏據長安志屬諸眾鹿觀馮氏又據三輔黃圖疑為白鹿觀瓦

蘭沱宮當此此石索所載第一種也殘缺處毫無差別瓦出咸陽諸家皆定為秦瓦程氏據漢書地理志及楊僕傳注文

選注謂蘭池為漢宮案元和志秦蘭池宮在咸陽東二十五里則謂秦無宮漢因池以建宮者未確矣

與天無極瓦獻之先生舊物也輪郭鑄有四奚老人玷珍賞於著書閣十一字分書今在王頌笙處萃編載八種金索載四種皆大同小異馮氏疑為秦極廟之瓦太泥矣

右將瓦當題右將二字徑漢尺四寸五分

殘瓦當約存三之一唯一歲字可見其左似是利字伯寅寄貽

八瓊室金石札記卷四

太倉陸輯

大吉宜子專庚午十月得於長沙長一尺一寸廣五寸字在下端分書反文側作斜方勝二上下各一泉幕上端作冰紋咸豐初長沙修城發土得之或以為定王時所造審之不似漢人手筆當是晉物積古齋載漢鈴有題大吉宜子者與此正同

魯倉專長九寸八分廣四寸八分厚二寸一分壬申夏黃昌岐軍門持贈案同治辛未楚北興國州鄉人掘土得粟窖窖置米百餘石四周繚垣悉用此專上端有五口泉二枚當是

五銖背有席紋側紋亦樸茂專不一范其五銖泉文上下左右無定所別無文字攷其地為子敬故宅今猶呼為魯府坪其為孫吳時造無疑也米純黑而堅百煮不爛并不變色用以療疾能消滯息躁試之輒驗千餘年物非它品所可同語亦奇異也并識之

甄公石室專三種 一長存一尺二分廣六寸二分厚一寸七分側存富且貴至萬五字貴至之間作一泉幕富上同上端題富貴二字均篆書左右亦各有泉專背麻布紋極細質亦細潤宜墨^甲 一長五寸三分下狹上寬廣四寸四分下廣三寸三分亦列富貴二字余銘之曰多金匪富文為富美

玉匪貴德乃貴其德茂其文蔚是天下之真富貴也永保茲罔攸暨 一長六寸五分下寬五寸二分上寬三寸九分專端作虬龍形有飛動之勢非後人所能仿佛余銘之曰温其德黝其色不以文字飾是為龍天之羽翼又有虬龍在側者見而未得案專出白門盤龍山麓相傳以為周郎墓方小東攷為漢甄邯石室以篆法審之出漢人手筆无疑凡百數十出余得其三或云專出丹徒攝山之足又有指為晉諸陵者殆非 嗣得全專長一尺一寸七分廣八寸五分厚二寸三分萬字下尚有世字并一泉幕

宜子孫專八種 一長存五寸八分廣五寸厚二寸分書反

文孫字左系右與^子盍氏竟銘利孫子字同壬申出長沙北郊井中施礪卿贈側紋似大吉宜子專 一長一尺一寸五分廣五寸五分右厚二寸一分左厚一寸三分兩端均題宜子孫三分書左側有交紋六 一廣五寸五分厚二寸一分專無全者字在右側分書反文上截存長五寸八分側題宜子孫四四字專端列大吉二字下截存長六寸三分側題四年六月十八日作專端列牛一陽三字亦分書反文書四年不書紀元當自有故或曰漢武以前未有建元時所造然制作不似西京 一長一尺一寸廣五寸二分厚二寸右側題篆書宜子孫四年作六字反文下端題大吉二字左向紀時但

稱四年與前專一例 一長一尺一寸廣五寸六分厚一寸八分右側題宜子孫三篆書反文上題大吉二字下題牛子陽三字或以牛一陽例之讀為牛五陽五字上多三筆它處未見此書法蓋古文子字也上似象髮見說文或云古文文字作如此移少於上耳或又讀為牛山之陽案一統志金牛岡在縣西十里專出城南非其地孫下圍規中似十字或釋為田云是田氏壙專以後專審之乃華飾耳又一專文字俱同惟牛子陽三字自左而右花飾亦微異 一存下截右長五寸四分左長七寸許右側存一孫字華飾與前大同小異下端列牛一陽三字皆反文以四字^年六月及牛子陽兩專例

之亦宜子孫專也此專久為竈突偶從鄉民購得之一右側篆書反文與前同上端大吉二字左向下端有華飾無文字一長一尺一寸二分廣五寸三分厚一寸九分右側題宜子孫口年口反文第四字作重疑是寅字末一字似益婁見於晉專下端大吉二字右向上端磨泐亦似大吉

長樂未央專六種一長一尺二分廣五寸四分厚一寸五分文在左側分書樂作樂長沙舊有此專相傳以為定王臺故物此專出瀏陽門外崇明統志長沙定王廟在府城東門外寰宇記云定王廟連岡一丈俗謂之定王岡崇圖稽攷正值其地殆施諸廟中者耶一長一尺一寸廣五寸二分厚

二寸題字亦在左側樂字中變白為呂與左右相配未字渚一筆央字倒置上端題富貴二字右向均篆書一長一尺五分廣五寸厚一寸九分上端富貴左向貴字少一直富字微缺一長一尺三分廣四寸七分厚一寸五分強樂作樂一長一尺二分廣四寸九分厚一寸八分文在左側反書

樂作樂未央二字併借上端列宜皇二字右向皇字从白不從自見盪和鍾銘秦權銘嶧山碑及漢碑者甚多隸辨云白與自同非黑白之白韻會云今文渚作皇非也或釋為直百王義不可解一長一尺七分廣四寸九分厚一寸七分字在左側樂作樂未央作市少一筆上端長宜二字右向

未央專長存四寸三分廣五寸厚一寸七分文在左側僅存
央字未字彫剝就器審之的是未字與長樂未央諸專均異
專端似是用字

雙未央專長一尺一寸三分廣五寸四分厚一寸八分右側
題兩未央字顛倒相背中間以花飾下端斜勝左右各一泉
幕以雙線繫之

大吉昌宜侯王專長一尺一寸二分廣五寸厚一寸九分文
在左側反書王字中畫特長隸辨載魯峻碑陰王端子行云
壬即王字穀梁傳文七年宋公壬臣卒左傳公羊傳皆作王
臣據此碑王書為壬壬臣即王臣傳寫譌耳案魯峻碑陰尚

有壬輔子助壬□少□武梁祠畫象題秦王字亦如作此不
獨壬端也左傳文七年定四年釋文並云王本或作壬漢書
古今人表項王王臣史記周紀作壬臣是王之作壬歷有徵
信自誤讀為壬癸字遂變畫為撇截然分為兩字矣壬與王
不可通假未深究耳

常宜子孫專五種 一長一尺四分廣五寸二分厚一寸三
分弱左側題常宜子孫四字上端大吉二字篆書吉字缺一
筆案說文常下帚也長久遠也以常為長古通借漢鏡銘云
長宜子孫此作常似異而實同馮晏海金索二千石鏡銘云
常樂無亟即長樂無極也東阿鏡銘云常保二親它鏡多作

長保長生無極瓦當亦有作常者錢十蘭浣花拜石軒鏡銘
集錄有題常樂未央長毋相忘兩字兼具故長常並用之凡
經典常字訓恒訓久者皆長之通借字毛詩文王鄭箋云長
猶常也白虎通通陰終陽始其道常久故曰常山是常山字
本當作長亦借常為之余所得專又有常樂子孫常宜侯王
皆以常為長者建初六年昆弟六人買山地記上方列大吉
二字知漢人營葬習用之不獨施諸器物銘也專文正與之
同吉字中缺一筆卻非殘泐得^此專十餘出罔不如此或以
為避家諱改字殆非或以為十口為古讀為太古望文生義
亦非 一長一尺廣五寸四分厚二寸文字同前惟子字引

筆特長孫字亦微異右側多一十字 一長一尺八分廣五
寸一分厚一寸八分上端列大富二字富字省一筆 一長
一尺一寸廣五寸六分厚一寸九分文與第一種同而上端
無字 一長一尺七分廣五寸四分厚二寸二分文與第二
種同而上端無字

長宜子孫專長一尺四分廣五寸四分厚一寸九分側題長
宜子孫上端題佑利篆法銳勁易曰自天祐之吉无不利佑
利^字二蓋取諸此易作祐此作佑者祐與佑通易繫辭自天祐
之損卦自上祐也詩小明箋神明若祐而聽之釋文並云本
作佑无妄天命不佑釋文云本作祐一切經音義云祐古文

閣佑二形此專僅獲一枚它姓亦未之得非新出土者
永佑子孫專五種 一長一尺一寸七分廣五寸六分厚二
寸一分側題永佑子孫上端題大吉均篆書古字有右無佑
然經傳多用之亦婁見於漢碑永佑猶言永保也 一長一
尺一寸五分廣五寸四分厚二寸一分側文同前反書為異
上端題太吉二字大太古通 一長一尺一寸八分廣五寸
五分厚二寸三分弱文同而字最茂滿 一長一尺一寸廣
五寸四分厚二寸彊反文孫作册上端亦題太吉 一廣五
寸七分長厚同前反文孫作册佑子二字亦微異上端大吉
大字略長

石羊專六種 一長一尺一寸六分廣五寸五分厚二寸左
側篆文曰石羊作雨義不可曉上端曰富貴或讀為石羊作
用云石羊是人名言作復言用者猶三代器銘言作尊彝又
言永保用也 一長一尺七分廣五寸四分厚一寸七分篆
書在右側與前小異上端无字 一長一尺一寸九分廣五
寸三分厚一寸九分作字反文雨字亦微異上端題長宜二
字 一長一尺七分廣五寸二分厚二寸上端亦題長宜長
字少一筆便成長字雨字亦小異 一長一尺五分廣四寸
七分厚一寸八分作字亦反書末一字作卅不可識下端鑿
二孔深居專之半似兩專接筍處 一長一尺一寸廣五寸

五分厚一寸八分上端題石羊二篆書反文下端作一十字側作蕉葉紋似和平專上下中間各有泉幕形

富貴宜專長一尺一寸廣五寸五分厚一寸七分左側題富貴宜三字下作泉幕以雙線繫之下端題大吉二字均篆書漢瓦有題宜富貴者此云富貴宜意亦相類

富貴宜子孫專二種 一長一尺一寸一分廣五寸五分厚二寸右側題富貴宜子孫五字反文下端左右各列一泉以雙線交繫之漢人器銘富貴字往往隨勢增損迄無定則余嘗得富貴專搨本五六種體與此類而各自不同也上端有一巾形 一長一尺一寸二分廣五寸五分厚二寸右側題

字同前上端大吉二字大作六似六字下端題周氏作三字反文均篆書或釋為周尹誤切反書為正文也張氏字鏡或以為張尹誤正同又一專文字制度皆同惟字在左側兩端字皆左向為異

富貴專存半截長五寸三分廣五寸五分厚二寸右側存富貴二篆書疑即富貴宜子孫也而上端有三橫線諸專中所未有又一種也

宜子專長一尺六分右厚一寸一分左倍之上端列宜子二字右向邵氏鏡銘云官貴宜子此題宜子正同

大貴專長一尺六分廣五寸四分厚一寸九分下端列大貴

二字隸書側文似大吉宜子專

常樂子孫專長一尺六分廣五寸厚二寸常字上半缺一直樂作𠂔又變白為目瓦當文樂字亦有如此作者上端大吉二字篆書

天字專二種 一長一尺九分廣五寸厚一寸四分下端列一天字真書反文右側紋亦秀雅專出長沙對河陳程初所贈 一長一尺八分廣五寸上厚二寸四分作十字形下厚一寸題一天字又有牛中牛三字左右傾斜配向極為奇異而義不可曉或即牛戴牛之意究亦何取於此

桓夫人專長存三寸六分廣四寸九分專端題丁酉桓夫四

字中間以三橫夫字反文專出羅家沖與永明專相距不遠亦桓氏墓也紀年書丁酉不知何代專文疑未全以肌度之或累數專以成讀者然所見祇此

長吉陽專長一尺五分寬三寸八分厚一寸三分下端題長吉陽三隸書壬申秋出北門外鐵佛寺故址之東為礪卿所得癸酉冬以常宜子孫專易之今歸余處漢人書吉祥字多借羊為之此又借陽陽羊同音通假也綏民校尉熊君碑治歐羊尚書集古錄云以羊為陽漢隸字原載青羊鏡云即青陽如歐羊之類金索云漢印有青陽子疑即其人爾雅臯羊淮南子作噪陽武王之相望陽字亦作羊釋名望羊羊陽也

後吉陽字移在此

言陽氣在上舉頭似高若望之然也此陽羊通假之證永初元年景師專云大吉陽宜侯王上方鏡銘云大富貴宜孫子大吉陽字此借陽為祥之證余又收得吉陽專亦即吉羊五字專長一尺六分廣五寸二分厚一寸九分上端題一五字篆書側紋似魯倉專

常宜侯王專亦用常為長侯字微斷幾成候字然侯書作侯亦已見於漢碑上端大吉二字右向長一尺七分廣五寸二分厚一寸九分下端作巾形

吳氏專長一尺四分廣四寸九分厚一寸四分上端題一吳字分書反文

大吉利專長一尺五分廣五寸上厚二寸二分題大吉利三分書下厚一寸五分蕉葉紋與和平專同

大吉利宜子孫專長一尺一寸三分廣五寸三分厚一寸七分左側題大吉利宜子孫分書反文出匠工手筆卻有隸法上端列三泉幕

大吉昌專長存三寸二分廣五寸八分厚一寸九分專端題大吉昌三隸書昌字省筆側紋存一泉幕以雙線系之

留氏治橋路專二種一長一尺一寸五分廣五寸五分厚一寸九分在文上端斜勝紋左右各一泉幕專出長沙南門外山澗圮橋之足分書五字曰巨友作好留留其姓也毛詩

吉陽專一係移此

言陽氣在上舉頭似高若望之然也此陽羊通假之證永初元年景師專云大吉陽宜侯王上方鏡銘云大富貴宜孫子在本卷第壹頁第九行祥之證余又收得吉陽專亦即吉羊

五字專長一尺六分廣五寸二分厚一寸九分上端題一五字篆書側紋似魯倉專

常宜侯王專亦用常為長侯字微斷幾成候字然侯書作候亦已見於漢碑上端大吉二字右向長一尺七分廣五寸二分厚一寸九分下端作卩形

吳氏專長一尺四分廣四寸九分厚一寸四分上端題一吳字分書反文

大吉利專長一尺五分廣五寸上厚二寸二分題大吉利三分書下厚一寸五分蕉葉紋與和平專同

大吉利宜子孫專長一尺一寸三分廣五寸三分厚一寸七分左側題大吉利宜子孫分書反文出匠工手筆卻有隸法上端列三泉幕

大吉昌專長存三寸二分廣五寸八分厚一寸九分專端題大吉昌三隸書昌字省筆側紋存一泉幕以雙線系之

留氏治橋路專二種 一長一尺一寸五分廣五寸五分厚一寸九分在文上端斜勝紋左右各一泉幕專出長沙南門外山澗圮橋之足分書五字曰巨友作好留留其姓也毛詩

彼留子嗟傳云留大夫氏子嗟字也韻會云出會稽本衛大夫留封人之後吳志有左將留贊又漢有留盼封疆圉侯三國有留略東海太守留憲西陵都督晉有留璠江夏令南史有留異東陽太守隋有留進著管絃記十卷留平征西將軍唐宋以降均有此姓此留氏莫攷何代當在六朝以前字勢文句頗似漢人手筆巨友作好即商書之無有作好也書云遵王之道無有作好用斯語以治橋路古人事事不苟即一專之微亦復可見巨古詎字說文無詎新附始有之漢書高帝紀公巨能入乎師古注曰巨讀曰詎猶豈也列子黃帝篇未巨怪也陸釋文云本作詎莊子齊物篇庸詎知吾所謂天

之非人乎釋文云徐本作巨友有古通釋名友有也相保有也白虎通友者有也荀子大略篇友者所以相有也注云友與有同義魯論有朋自遠方來顏淵集解有相切磋之道釋文並云有本作友是巨友之即詎有確有左證矣以巨友作好為無有作好者未必當時有此別本蓋師儒詮釋之詞也說文所引經傳每有今本所無者不盡為異文逸句此蓋同之一長存五寸五分廣厚略同側存巨友作三字作字已損一筆上端有大吉字別一范也

圓字專長存四寸廣五寸四分厚一寸八分側存一泉幕半斜勝古澤字作臬上从白艮字下从火此不可識或是冥字

猶宜之作圓也然未可定背有粟紋決非六朝以後制作
大吉專十^五種 一長一尺九分廣五寸五分厚二寸一分吉
下口僅見一橫借邊法也側作三泉間以斜勝繫以雙線
一長存六寸四分廣五寸四分厚二寸分書礪卿所贈亦
在北郊出土者大字已泐礪卿所獲尚明顯吉字上半似工
右側存泉幕斜勝各一 一殘磚不方整最長處存六寸廣
五寸四分厚二寸專端大吉二字反書左向吉下作丰或讀
為大吉羊云吉羊二字併借 一長一尺六分廣五寸五分
厚一寸八分專端大吉二字分書反文左向吉字中直特長
右側紋作兩截截各二泉中間以斜勝上端有卩形 一長

一尺一寸五分廣五寸六分上厚二寸一分題大吉二字分
書反文吉下作卩形不知所謂下端似是兩五字癸酉出專
此最在先土人呼其地為王墳志乘無徵疑是荒之音訛
一長一尺一寸二分廣五寸四分厚二寸側題大吉大吉兩
端又各一大吉右向上端反文並分書 一長一^尺寸四分廣
五寸五分厚一寸六分下端大吉二字左向諸專中此二字
最古渾餘與第四種略同 一長一尺一寸二分廣五寸三
分厚二寸側及下端皆作泉幕斜勝與前諸專同上端大吉
二字右向 一存半截廣五寸六分下厚二寸三分題大吉
二字分書左向大字似六或釋為六吉取謙卦六爻皆吉之

義上厚一寸六分 一存半截廣五寸七分下厚二寸三分
大吉二字右向上厚二寸 一殘損不整長處存八寸五分
廣五寸三分厚二寸大吉二分書左向吉字作右中直斜曳
又係反文幾不可識 一長四寸八分上寬三寸二分下寬
五寸厚一寸八分吉字下口變成日乙亥春錢調甫自汴寄
貽云得之博青餘者不三月而調甫惡耗至矣擲筆惘然
一長存六寸八分廣五寸六分厚一寸六分文在左側大吉
下間一橫線又一大字大下作二或曰古文下作二是大吉
天下四字也亦通 一長存五寸三分廣五寸厚一寸七分
吉下作休似利字反文并借吉字未畫及邊線為之 一長

存六寸七分廣四寸七分左薄右厚端列大吉二字吉作舌
側作蕉葉紋

太吉專殘長處存五寸五分右存一泉廣五寸七分專端太
吉二篆書右向與永佑子孫專同而側無文字

大字專長廣各五寸厚一寸三分文在端大下似字非字極
為奇異其押歟

陽氏專二種 一長一尺二分廣五寸厚一寸七分文間於

左側花飾兩邊陽反文在專右邊列金玉二字左邊已平

曼陽字在下脚正中反文 一長存五寸二分厚二寸專端
題篆書陽字反文

壬申專長一尺二寸一分廣五寸九分厚二寸下端壬申二字分書左向右側畫一魚其下又列二泉以雙線分繫而交綴之壬字中直徹上徹下申作𠄎用古文而變化之或以專出圭塘讀為圭唐二字塘古祇用唐而唐字如此作於古無徵又有以為圭田者田亦未有此書法

直文專長一尺二寸二分廣六寸厚一寸九分下端題直文二字或讀為宜文云文為坟之省恐非左側作魚形其上有
一五字

貴用專長一尺一寸一分廣五寸厚二寸下端二字曼患似是貴用或亦是富貴字所謂隨勢增損不拘定法也右側蕉

葉紋極古質間以三泉

錐字專長存五寸六分廣五寸二分厚二寸專端字不可識
弟二字似錐字反文背有粟紋存之

東王公專長四寸三分厚一寸六分篆文上半斷缺

糜氏專長存四寸三分厚一寸四分口側題歲在癸亥亥字

半泐口題糜氏壁即壁字聲同假借丁丑夏兒子繼德自蘇購得專硯七枚浙中鈕字氏故物也上二專年月可攷備錄於

此

五朱專長九寸五分廣四寸五分厚一寸九分右側下半列
五朱泉二枚兩相背違通典云五朱源出稚錢但此易銖為

朱耳

二五專專三種 一長一尺二分廣五寸二分厚一寸六分
右側列二五泉四枚第二泉文字最顯此泉鑄自何代無可
攷證又有四五泉雙十泉均不知所緣起 一長存六寸二
分廣五寸厚一寸七分左側列二五泉一枚下端畫一龍
一長存五寸四分廣三寸厚一寸六分朱子梅持贈側作裸
體人形亦食堂畫象之意人下列一三五泉兩面均有粟紋
吉陽專長存五寸三分廣三寸四分厚一寸六分文存專端
反書陽字并變左阜為右邑吉陽即吉祥也
壽若大山專二種 一長一尺五分廣五寸厚二寸彊文在

此系移長吉陽

左側篆書大即太字古人大太不分也 一長廣尺寸同篆
體略異別一范也

以上八十三種均藏予家

未央斷專未字已缺上半李筮仙曹郎所藏云數十年前在
定王臺出土背鐫漢蓼園甄四分書不知何人手筆蓼園定
王故宮名見述異記央字上半圓折於篆法不甚合然所見
未央各專多如此作

五朱專斷缺存兩泉又半泉泉圓徑一寸三分中有線連綴
之左五右朱長四寸一分厚二寸五分疑亦在專端者
五銖專左五右銖兩泉圓徑一寸八分在專端廣五寸厚二

朱耳

二五專專三種 一長一尺二分廣五寸二分厚一寸六分
右側列二五泉四枚第二泉文字最顯此泉鑄自何代無可
攷證又有四五泉雙十泉均不知所緣起 一長存六寸二
分廣五寸厚一寸七分左側列二五泉一枚下端畫一龍
一長之字接前行空一格寫不趾行。分廣三寸厚一寸六分朱子梅持贈側作裸
體人形亦食堂畫象之意人下列一三五泉兩面均有粟紋
吉陽專長存五寸三分廣三寸四分厚一寸六分文存專端
反書陽字并變左阜為右邑吉陽即吉祥也
壽若大山專二種 一長一尺五分廣五寸厚二寸彊文在

此行移第九頁中

左側篆書大即太字古人大太不分也 一長廣尺寸同篆
體略異別一范也

以上八十三種均藏予家

未央斷專末字已缺上半李筮仙曹郎所藏云數十年前在
定王臺出土背鐫漢蓼園甄四分書不知何人手筆蓼園定
王故宮名見述異記央字上半圓折於篆法不甚合然所見
未央各專多如此作

五朱專斷缺存兩泉又半泉泉圓徑一寸三分中有線連綴
之左五右朱長四寸一分厚二寸五分疑亦在專端者
五銖專左五右銖兩泉圓徑一寸八分在專端廣五寸厚二

寸一分長無攷

六年專長四寸二分厚二寸許分書惟六年二字可辨

辟大貴專反文辟大貴三字分書斷損存長六寸厚一寸四分

大吉富專長存四寸五分厚一寸四分分書大吉富三字富作富

大吉利專長四寸五分厚一寸五分分書大吉利三字反文和字如此

維君辟專長五寸五分厚二寸二分分書維君辟三字誦字如此又一專左下角缺損寸許又一專僅存維字半君字

富貴專四種均在專端 一  廣五寸三分厚二寸一分

一  廣四寸一分厚二寸 一  廣三寸七分厚一

寸八分 一  廣五寸二分厚二寸篆文以意增損不拘

常法漢洗銘文往往如此

黃山專長五寸厚二寸五分雙線互交達於四維上列大壬二字下列黃山二字分書山字微泐體與黃山瓦同漢地理志槐里黃山宮孝惠二年作漢鼎中亦有作黃山字者大壬當是工人名猶軹家釜甑之工丙也或讀為大王恐非

子字專長四寸厚一寸三分僅一子字清顯分書子下似是孫字

八月專長存五寸三分厚二寸餘分書反文上半截字不可識下存八月十三字或云是建元甲三字未甚確實

蜀師專殘損不整中列蜀師二字似篆似隸長約存五寸五分廣三寸七分搨本有松生手搨松生所得金石及何瑗玉諸印章案南匯沈氏所藏蜀師專有太康三年字

真師專長六寸四分厚一寸四分篆書真師五年四字反文師字作𠄎借邊五年二字之中作一泉形間之真師疑亦蜀師之類紀五年不紀建元或謂漢未有建元時所造

陳成專長三寸六分厚一寸六分分書陳成二字舊藏錢氏得自怡齋今佚

延年曾壽專分書四字長存五寸六分厚一寸七分延上缺一筆年作𠄎漢洗中恆見之曾古增字漢瓦當題延年益壽此與之同意必以延年殿益壽館實之鑿矣

萬世不敗專分書四字長存五寸厚一寸四分趙搨叔藏有萬歲不敗專審為漢刻此當同之惟彼作歲此作世彼篆此隸為不同耳

常宜專長五寸四分存常宜二字寬二寸五分上端存一大字厚二寸此湯子惠故物也四圍皆涂秦汁全失朴雅之趣矣子惠名亦中長沙人以金石為嗜好喜作八分書宿州未生所蓄四散良用憮然癸酉夏余得此全專不少子惠有

此專是前此已曾出土也全專為常宜子孫四字上端列大吉二字

富貴昌專長四寸八分厚一寸七分篆文富貴昌三字昌字半缺富作圖見於長沙市肆以直昂置之

大使專廣五寸六分厚一寸八分正書橫列大使府造隋唐以前無大使之稱搨本有松生手搨松生所得金石及何瑗玉印章

尉遲專廣厚未詳正書尉遲恭監製五字橫列字徑九分壬申四月得此搨本界審其詳疑是鐵佛寺舊專相傳寺為敬德監造也

全字專長四寸四分厚一寸五分上列一全字下缺二線交紋似五字審其筆意不似亦六朝亦有松生手搨及何瑗玉印章

大吉詳專長七寸七分厚一寸四分文曰大吉詳宜子孫六字分書祥詳古通

永佑專金少尹文錦搨本長存六寸厚二寸三分側存永佑二字上端列大吉二字此即永佑子孫專也惟大作卍與余得諸專不同

瞿氏專廣四寸四分厚一寸五分專端題瞿氏二字長僅存數寸施礪卿得於長沙北郊製瓶供花亦雅觀也

陳大娘專長二寸六分厚一寸六分文曰陳氏大娘捨五字當是修塔廟者亦唐人所為

大泉五十專橫列兩泉泉徑漢尺寸餘均反文而傾倒之左右各有一五字疑即所謂二五泉也新莽居攝變漢制更造大泉徑一寸二分重十二銖文曰大泉五十始建國鑄泉六品最大者為大泉五十

高仲專長八寸五分厚一寸三分文曰太□元年八月高仲八字反書太下一字泐上一字以太紀元十有七

高氏專長一尺一寸八分厚一寸五分文云八月一日章盃高作盃分書即盃字

萬歲專漢尺八寸一分厚二寸題萬歲二字與金索所載同任氏專斷缺存六寸三分厚一寸三分存昌元年四月廿七日任□□反書任下似是氏字已泐下一字以昌紀元者十有三此專字體疑是晉元帝之永昌

呂氏專長四寸二分厚一寸三分分書呂氏二字富字專長存五寸七分厚一寸四分中題富字上下各橫列一五十泉泉徑圓一寸二分

大堵專長四寸五分厚一寸四分題大堵二字宜子專長四寸五分厚一寸四分文五字宜子□□作作字反文

徐氏專廣四寸七分厚一寸六分此其專端也文曰徐公曹君冢分書公古通功

黃氏專廣四寸七分厚一寸五分字亦在端存四字曰黃典書君下泐似是冢字與前專同典書收名

功曹專存長四寸一分厚一寸五分存四日□功曹凡六字缺其二反文功曹上所缺墓中人姓也

金立功專存五寸厚一寸三分文曰史金立功四字反文史當是官稱之未全者

殷氏專長存六寸九分厚一寸文曰九月戊戌朔十三日丙戌殷□作十三字反文戊戌朔則十三日直庚戌十三日丙

戌則朔日直甲戌專蓋有誤

黃平專長存五寸四分厚一寸存年黃平作四字反書字甚

小每字中空一寸三四分

永嘉專長五寸七分厚一寸二分文曰歲乙亥魯功曹造

永嘉專長三寸八分厚一寸四分存故温州永嘉五字正書

永嘉唐屬江南道温州專多陽文此獨陰款

公翼專長五寸一分厚一寸一分上下各泐一字僅公翼二字四可辨反文分書

辛未專長存六寸厚一寸三分文曰歲在辛未□作分書反文辛作彙與余所得元嘉李氏專同

□維專長存四寸厚一寸五分文曰□□□維造上二字似是歲在維上疑是徒字然不可定

徐氏專長存五寸四分厚一寸文曰月廿三日徐造

盧氏專長存六寸九分厚一寸三分上二字不可辨下云一日靈□造再下作泉幕郭內四出

丁西城專字在專端廣四寸八分厚一寸六分文曰丁西城明堂正書以上廿二種皆呂氏所藏

楊遂專輝兒於汴梁市肆見之直昂未售捐一紙來文云楊遂富貴必昌子孫吉利字在專端厚寸許寬一寸分橫列者甚少分書挺勁惟富貴二字用填篆法製作頗精

丙子春輝兒得專榻於京都殿肆凡二十餘種無紀元可系者亦錄之以備攷一己丑專厚一寸六分長存三寸五分題歲在己丑五五字正書反文一丁己專厚寸許長四寸四分題大歲在丁己五字分書下作直線五柱一章氏專長存九寸二分厚一寸六分分書反文題四年八月十二日章

□所作元□與元興年章祿專相似疑同時所出者元下所缺似是堂字一厚一寸四分長存五寸七分文云大約缺三字

子孫存三字分書子上所缺似是宜字一宜官專厚一寸五分長存四寸四分存三字又半惟宜官二字為明顯一吳家專長一尺一分廣四寸七分厚一寸四分上角微缺題

字在左側分書文云作吳冢吉翔位至公□公下所缺似是
卿字翔祥通借又一斷專長存四寸三分見造作吳冢四字
知作上所缺為造字矣 一長一尺一寸廣六寸四分厚二
寸右側題字上截云東陽□長□下截云北□□溪道分書
夾行中作泉幕以四線繫之上下各作直線七柱以意度之
蓋記塋地四止之界也 一長六寸廣四寸九分厚一寸三
分四周有字一題永和十二年一題大吉二字上作泉幕再
上作畜形不可強定為何字 一題高字一題十字此專疑
有後人添鑿者不入正錄姑識於此 一存長四寸二分廣
五寸五分厚二寸許右側題富貴二字

求氏專晉專也字在專端廣四寸三分厚一寸四分題求正
負明堂五字正負官稱也丁丑冬余子韓太史搨以見貽

宋倉專四十五種長厚不計壬申夏袁裕文攜倉專六出并
搨^本四十五紙云數年前在金陵出土專以百計方小東刺史

攷為孫吳時物著有倉專說一通以余審之專背無紋非六
朝以前制作合諸專攷之當是南宋理宗時物雖未必一時
所造要為宋物無疑專題地名皆非孫吳時所有之稱小東
置之不問孫吳建倉之所又不能實指其地以意附會輒定
為漢末并以誇獨得之珍者古^者矜奇好異恒有此病 一戊
戌所造四字橫列反文左讀殘泐似分書以淮安州專證之

蓋嘉熙二年也 一淮安州三字正書橫列楚州紹定初改
 淮安軍端平初又改淮安州此外無稱淮安州者 一楊州
 二字橫列正書 一靜海二字正書後周顯德中置靜海軍
 尋改通州宋改崇^寧復改故名政和初置靜海郡 一招信
 軍三字橫列正書理宗紹定五年金納合買住以盱眙來歸
 詔改為招信軍 一連水軍三字橫列正書太平興國初置連
 水軍金皇統初降為縣紹定初收復端平初復置軍景定初
 升為州據此則戊戌之為嘉熙二年益足徵信 一存使府
 燒三字橫列正書右見半大字左見半造字隋以前無大使
 名官者 一楚州二字正書楚州今淮安府地晉義熙中置

山陽郡隋初廢郡移楚州來治唐置東楚州尋改楚州淮陰
 郡宋為楚州山陽郡 一楊州二字直書與前專異字亦較
 小 一寶應楊口正書末一字泐唐上元始置寶應縣宋寶
 慶初置州尋又改軍 一丹徒徒字半缺正書丹徒漢縣吳
 嘉禾初改武進晉太康初復名嗣後因之依小東之說則戊
 戌為天紀二年其時稱武進不稱丹徒 一歛東二字正書
 一倉凌天一四字凌為匠姓天一^或為倉號 一凌獨一字
 一倉三凌三字亦^三號記之數也 一倉凌三種皆二字
 一倉譚二種一有雙線斜交為界上下各題一字分書小東
 則概以為分書也文字制作俱有古意不似宋人姑類列之

蓋嘉熙二年也 一淮安州三字正書橫列楚州紹定初改
 淮安軍端平初又改淮安州此外無稱淮安州者 一楊州
 二字橫列正書 一靜海二字正書後周顯德中置靜海軍
 尋改通州宋改崇^寧復改故名政和初置靜海郡 一招信
 軍三字橫列正書理宗紹定五年金納合買住以盱眙來歸
 詔改為招信軍 一連水軍三字橫列正書太平興國初置連
 水軍金皇統初降為縣紹定初收復端平初復置軍景定初
 升為州據此則戊戌之為嘉熙二年益足徵信 一存使府
 燒三字橫列正書右見半大字左見半造字隋以前無大使
 名官者 一楚州二字正書楚州今淮安府地晉義熙中置

山陽郡隋初廢郡移楚州來治唐置東楚州尋改楚州淮陰
 郡宋為楚州山陽郡 一楊州二字直書與前專異字亦較
 小 一寶應楊口正書末一字泐唐上元始置寶應縣宋寶
 慶初置州尋又改軍 一丹徒徒字半缺正書丹徒漢縣吳
 嘉禾初改武進晉太康初復名嗣後因之依小東之說則戊
 戌為天紀二年其時稱武進不稱丹徒 一歛東二字正書
 一倉凌天一四字凌為匠姓天一^或為倉號 一凌獨一字
 一倉三凌三字亦號記之數也 一倉凌三種皆二字

一倉譚之一字。接前行空一格寫。不跳行。交為界上下各題一字分書小東

則概以為分書也文字帶作俱有古意不似宋人姑類列之

一倉陶二陶^字一獨一陶字皆反書 一朱郤二字 一朱少郤三字少當是匠人名 一倉陳三種一係反文 一倉談二種 一談字 一修倉蔣三字 一倉周二字 一二周二字二亦記數與三凌同 一倉楊二字反文 一修倉張記四字 一周郢二字橫列左行反書郢亦匠人名方小東以為周郭非 一正後羅三字 一正後口塼四字泐其一 一殿字 一東字 一北中二字橫列 一北口二字亦橫列第二字榻未顯 一口南二字亦橫列右不可辨或無字方小東又有正中宮專未見榻本 齊專長八寸廣三寸六分中鐫一齊字長三寸五分篆書白

文辛巳夏五伯寅寄遺榻本並云陳壽卿謂是三代物以余審之當是齊氏墓專或係高齊時所造亦未可定雖未得一見而審可決其非三代也壽卿自矜所得以為奇異耳

八瓊室金石祛偽一卷

八瓊室金石祛偽

賜進士及第布政使銜湖南辰永沅靖兵備道太倉陸

撰



秦詔版

元年制詔丞相斯去疾

灋

度量盡始皇帝為之皆有

辭詔焉今襲而刻辭不稱

始皇帝其於久遠也如後

嗣為之者不稱成功盛德

刻此詔故刻左使毋疑

辭字偏注

八瓊室金石祛偽

○○ 太倉陸增祥撰 ○○○○

男

繼輝校錄

第二三行照寫

大字低二格寫

錄字之下亦留二格

吳興劉承幹覆校

秦詔版

元年制詔丞相斯去疾灋

度量盡始皇帝為之皆有

辭詔焉今襲而刻辭不稱

始皇帝其於久遠也如後

嗣為之者不稱成功盛德

刻此詔故刻左使毋疑

辭字偏注



右秦詔版款五十九字庚午夏瞿經孳寄詒云近出秦中為常熟翁玉甫同爵方伯所得形制何若未及備述功字右從刀德字中無乚母字多一橫疑字亦不合於六書秦時無是體也

漢會仙左礪題字分書

元光二年十月文成將軍木詔建會仙左礪工四萬五〇一按史記齊人少翁以方術見武帝時王夫人卒少翁夜致王夫人帝自帷中望見焉乃拜少翁文成將軍史雖不詳何年約略當在元狩間少翁之姓史亦不詳通鑑目錄元狩四年少翁以詐妄誅云又案少翁之前有李

未嘗拜文成將軍也
太平廣記

少君者以方術見上上尊之亦見史記通鑑目錄云元光二年李少君善為巧發竒中上始好神仙然李少君傳云時有文成將軍亦得少君術事武帝是少君少翁為兩人此誤以少君為少翁矣

嘉禾紀瑞刻石分書

嘉禾九穗

元守二年秋北都鄉勸農官王守五大夫宋辰率民衆大

合樂會飲三日己紀瑞

予於癸丑避地濟甯得於南門市上以建初銅尺度之縱橫一尺五寸文共六行首行嘉禾九穗四字字之收縮波

擊計約三四寸不等後五行小字字約一寸有餘每行八字末行二字二行泐蝕王字北都鄉四字尚可辨識與首行大字皆低六寸文云元守二年秋北都鄉勸農官王守北都鄉五大夫宋辰率民衆大合樂會三日呂紀瑞共三十四字道古沈厚當非漢人不能攷元狩二年為武帝即位之二十年守由篆趨隸之省猶之秦刻以開爭理說文作呂呂乃以之省也北都鄉不知何縣所轄百官志載凡縣各署諸曹掾史畧如郡員五官為廷掾監鄉五部春夏為勸農掾秋冬為制度掾此云勸農官當即縣發之勸農掾也五大夫者爵級也九曰五大夫師古曰大夫之尊也

王守宋辰皆人名西京文字向數五鳳此更前六十五年安得不駕諸碑而上之惜乎北都不知今在何所也石不知在何所也

方朔枕經堂金石題跋

癸酉冬汪硯山寄贈云東省丁筱農所貽未詳所在惟枕經堂跋有之予審眎之近今偽作耳首行大字與後五行小字筆勢不類前列四大字後共三十一字首行八字餘俱七字末行二字方小東以為每行八字共三十四字其所錄之文亦與此不合豈小東所見又是一本邪至會下少一飲字則小東脫誤否則不得有三十四字矣守古狩字小東謂由篆趨隸之省非呂亦非以

之省

庶孝禹闕

分書

河平三年八月丁亥平邑庶里庶孝禹

同治庚午揚州宮本昂宮昱任城劉恩瀛訪得此碑于平

邑此刻在碑左

右庶孝禹闕上銳下方似圭形分書兩行左右各有直界中空三寸許上有畫鶴蓋贗鼎也

琴亭國李夫人墓門題字

分書

漢廿八將佐命功苗東藩琴亭國李夫人靈第之門聞此石在登州出土題廿一字泐其一前畫一鹿蹲伏

於地粵飾不甚古可疑也攷後漢書馮異傳永初六年安帝下詔曰建武元功二十八將佐命虎臣讖記有徵蓋蕭曹紹封傳繼於今况此未遠而或至乏祀朕甚愍之其條二十八將無嗣絕世若犯罪奪國其子孫當統後者分別署狀上將及景風章敘舊德顯茲遺功焉又攷李忠傳忠初封武固侯建武二年更封中水侯子威嗣威卒子純嗣永平九年坐母殺純叔父國除永初七年鄧太后復封純琴亭侯純卒子廣嗣是琴亭國為李純封爵功苗者功臣之苗裔也李忠為東萊黃人故稱東藩東漢黃縣即今登州府黃縣地此石出土正在其

處隸法亦足以亂真

琴亭侯買山題記分書

建武二年三月丁卯琴亭侯為夫人李義買山值錢十五萬
東至寒廬西至櫛櫟南至楚柯北至五廬立石勒券庶勿爭
焉 歌曰 三光共鑒鬼神斯証立石勒券魑魍勿爭風雨
時節兮蟲蠹不生脩爾嘉穀早之公庭如娣相讓兄弟偶耕
雖逢歉歲兮勤劓自豐毋曰勿爭情將自攻教誨爾子毋怠
厥躬子 孫 兮毋怠厥躬 石工劉作舟錢千

建武二年無琴亭侯之封封琴亭侯者李純其夫人不
得姓李作偽日拙紕繆乃爾餘姑勿論也或云前刻實

是漢石後刻即因前石而妄作之亦未敢信

劉熊殘碑分書

上大帝垂精接感薦生聖明

爵列土封侯載德相繼不顯

季子也誕生照明岐嶷踰絕長

兼古業覈其妙行脩言道口

練州郡卷舒委隨忠貞竭效官口口

祀有成來臻我邦循東里之惠口

慎徽五典勤恤民殷口心顧下

口德惠潛流宅芳房布尤愍縣

之風莫不嚮應悅誨日新砥口頑

口有所由處民之秉彝寔我劉父

講禮習聆匪徒豐學屢獲有年口

在昔先民有作洪勛則甄盛德口

式序在位量能授宜官無曠事士無逸

彈造設門更富者不獨逸樂貧者不獨

劉父吏民愛若慈父畏若神明悔口脩

乃相口咨度諏詢采摭謠言刊石佳

厥口誕生岐嶷言協口

靈不傷人告曰公已口

道德民口仁思清口

鳴一震天臨保漢寔生乃仁口

渙乎成功口暇民豫新我口風口

豐黔首歌頌

碑久不存翁閣學据巴俊堂雙鉤本凡二百十八字內多出洪所闕者四字

字纂入兩漢金石記云是碑隸法實在華山廟碑之上

此蓋据雙鉤本摹勒者而又多增入之字內洪所無者

七字謬妄已甚以口識之洪有而翁無者十一字砥勛

授劉悔相謚言刊言協亦不足信洪翁有此而無者一

此字字及行注

微字洪無而翁有此亦有者不獨二字考洪本貧者下
只缺一字跋語云貧者得順則不得有不順二字然則
雙鉤本亦已以意增矣又第十九行應列廿一行廿行
廿一行應列十九廿行隸法除妄增十餘字外雖乏神
味而筆勢却非後人所可及是足以惑人者故錄而著
之

魏張翔碑分書

魏故張府君之碑

府君諱翔字仲潛□□□□□其先立有隱德不替清芳
府君秉性淵穆孝友是稱卓茂之行懿于鄉鄙治易書詩克

究奧衍四方來學承命若歸隱居懷德寔為與□惟茲碩德
允矣完人乃以咸熙元年甲□五□終于其鄉嗇秋四十有
五鳴□哀哉凡百君子莫不悞惜爰為之銘曰
嗇生賢喆不顯而明去躬清白延譽無量□□來茲令德彌
允

甲戌十月市賈以此求售審之乃偽造耳然紙墨頗舊
足以欺世爰錄而識之卓悼作真慎隱字右半上作中
嗇字上作亦皆於六書不合

晉秦始磚文分書

大晉秦始三年六月作側在佑利端在

丁丑八月桐軒拓寄謂去秋在長沙出土蓋偽作也泰
始三年長沙尚不屬晉分書亦不古拙

北魏高植墓誌正書

魏故口陵太守高府君墓誌銘

君諱植字建瀛勃海修人也其先乃帝炎氏之苗裔昔在虞
舜四岳至太公封齊其公族有高子者即為高氏焉 文昭
皇太后之世宗武皇帝外祖也煌煌巨族聲口遍於草野魏
魏世勲名著於廊廟 祖醴口麟遊尉相口府參軍右衛
將軍兗冀二州刺史遷盱眙太守太尉 父獻爰始新途
縣邑候七百戶遷營州刺史太原晉陽參軍太守太尉給事

中君稟性生純誠德音洋溢乎朝野天資剛健偉績載記於
太常有果敢慷慨之志無苟且畏憚之心乃若上交不諂下
交不瀆富貴不淫貧賤不移威武不屈又其倜儻不羣非碌
碌庸眾所與語者既而釋褐登朝輔弼王室沐雨節風成家
開國時遷諮議參軍建威將軍遷太尉太守相國府參軍并
太子虎賁中郎左驍衛將軍正光二年十一月十六日葬口
齊城西北六十里當其時賓僚咸集士友感德口勒諸他凶
之石對揚休聲乃作頌焉其詞曰

諄諄前哲秉心克貞鞠躬盡瘁遐迹共稱克勤克儉既和且
平堅若介石穆如清風經天緯地莫與共能夙夜匪懈積德

建功剛健文明炳如日星赫赫世勲烈烈頌聲哲人既往遺
範猶存不忮不求乃武乃文仰不愧天俯不忤人充前裕後
致君澤民遏欲存理聚精會神皎皎素月泱泱白雲緬厥雅
度飛靈遊魂人往風微歲月迴輪誌名萬世流芳傳聞

大代正光元年三月初八日癸卯朔建

丁丑二月兒子繼輝錄寄此誌云以魏書高肇傳攷之
世次名位絕不脗合誌書葬不書卒二年十一月葬以
元年三月預立是誌而有其時賓僚咸集語文義可笑
餘多訛脫殆撫拾時文爛語以為之者余謂此誌紙原石
殘損藏德州田氏立於神龜並非正光麟遊縣自唐始

置北魏所無歷代無新塗縣殆新塗之誤誤塗為塗因
書作途新塗亦北魏所無太原晉陽參軍太守太尉給
事中太尉太守相國府參軍并太子虎賁中郎太守不
著何郡敘次亦不輪末行年月紀癸卯朔於初八日之
下無此書法是年六月值癸卯朔亦非三月三月朔非
乙亥即甲戌四月甲辰朔癸卯乃三月盡日也妄人偽
造不足置辨惟原石世少拓墨恐後人或据為真也錄
而識之

北齊朱氏女姜瑞雲造象正書

大齊天保四年正月六日朱氏女姜瑞雲為亡母嶺造文殊

菩薩聖像一軀一心供養

刻佛座補訪碑錄謂在正定而常山貞石志無之按菩薩本作扶薩一變為薩再變為薩然六朝唐人尚無作薩者偽造無疑而書刻足以亂真也

房周陔墓誌分書

處士房周陔字仁帥齊郡益都縣都鄉營邱里人君東秦之名士也器寓淹宏宮墻淵邃鄉黨未有量其邊幅朋交不能測其淺深疑疑然若劍閣之干雲漢汪汪也似洪波之在藪澤而心無是非懷忘彼我是臥士友見之者解貧憂祛鄙悛若斯之善宜假□□季紀細而地何期雲電無恒風飄疾春

秋世有五以大胥河清三季九月十三日卒於營邱里天統元年十月廿四日癸酉窆於鼎足山之陽惜乎馨蘭夏折芳葉秋摧余曾因醮言之次謂之曰昔師曠聽聲觀色惜王子出早逝僕今視骨看文恐吾賢亦不眉壽當告此謔事等鍾筍之歎不意一二季間便致俎殞於是榻筆銜哀叙君盛德冀幽魂有悟知不癸言其銘曰冠蓋淄川風流稷下道踰邴鄭名超終賈邑傳孝節鄉稱儒雅匹鳥於鳳方驥於馬人同金箭口等蘭蓀情高志潔心直狠溫朋因淡久交呂素存江湖相望得意忘言風飄泣露塵飛弱草百季一□□甄口先沒而不隊德音為寶銘石泉口用申交道

房仁墓志記銘出

此三行
篆書

碑尾題七大篆字碑版中未有此例亦非標題之式首
云房周陲字仁師後云房仁墓志又單稱仁字何也文
不古雅書法分隸而近於庸俗字體乖異六朝固多謬
鑿此為尤甚恠字卜旁作少戲字右旁友作火皆他處
所未見碑估云志新出土恐好事者所為也營作營邃
作邃菊作菜逝作逝謔作謔殂作殂溜溜貌作狠並俗
惟墜作隊為近古甄不可識當是甄之譌以甄為真風
飄疾句脫一字餘不悉述

陳塏造像

正書

大齊天統四年歲次戊子二月丙辰朔日辛巳佛弟子陳豔
為父怙造佛像一軀願入法界早令解脫

佛弟子陳豔虔誠供養

是年二月丙寅朔此作丙辰誤是年月朔亦均不值丙
辰也象刻沾滯無古意字體柔媚不似六朝人手筆偽
作也豔即塏字

北周郭賢造象

正書

保定四年歲次壬辰三月乙未朔八日吳國公儀同三司驃
騎大將軍開國公昌樂縣郭賢為父母伽牟造石像一區上
生天宮下生人間一心供養

題記鐫佛背徑四分按北周武帝保定凡五年不值壬辰四月甲申三月己未朔亦不值乙未書字姿致秀媚斷非六朝人手筆近今文人所為耳

馮長孫造象書正

天和元年庚午二

此字旁注

月壬申口弟子馮長孫沐浴淨心造

佛像一區善成正覺

光緒己卯繆筱珊得於都門永興寺中攷後周天和元年丙戌非庚午是年月建月朔皆不值庚午惟二年正月或是壬申朔二年值丁亥月建亦不值庚午偽造無疑

隋樊尚造象書正

開皇元年歲次戊寅正月辛亥朔五日佛弟子樊尚上為七世父母所生父母造石像一區上生天宮下生人間因緣眷屬等成正覺

佛弟子樊尚造託

按開皇元年歲值辛丑不值戊寅隋書帝紀開皇元年二月甲子即皇帝位大赦改元則是年正月尚未有開皇之號通鑑目錄是年陳二月辛亥朔隋三月辛巳朔則正月朔亦不值辛亥也或云正月係二月之誤然以本紀二月甲子合之二月朔或是辛亥甲子為十四日

二月五日亦未有開皇之號偽造無疑造訖訖字亦誤

作託

王冑妻孫氏造象正書

王冑妻孫氏二字橫列子仁甫二字橫列理卿二字橫列媳陳氏以上在座背為合家

不安敬三字橫列奉造為以上在右側一區永遠太平三字橫列吉羊如以上

在正意開皇八年吉三字橫列日供宅以上在左側

韋載造像正書

弟子韋載妻王氏于氏率男韋喜韋祿亞兒女曇女玉一切眷屬香花供養一心禮拜以上正面象下

大隨仁壽四年歲次壬子四月癸丑朔丙寅八日癸酉涿郡

弟子韋載敬造石佛像一軀為亡父母離苦超凡降生人間埽除煩惱并一切衆生有識之類普同斯福

文云仁壽四年歲次壬子四月癸丑朔丙寅八日癸酉
按是年歲直甲子此作壬子蓋誤四月朔日丙寅則八
日癸酉不誤蓋先作癸丑後知其誤而更正之也像刻
無古樸之致香花二語不似六朝人筆墨當是偽作

唐蘇玉華墓志正書

女子蘇玉華墓志銘

宏文館學士歐陽詢撰并書

女字玉華蓋洗馬蘇君之季女也夫其瑤姿外照蕙性內芳

體備幽閒動合禮則既嫻習於圖史且留連於音律以故名
雷蘭閨聲綿梓里夫何美質降年不永竟致夭歿春秋十有
五焉以大唐武德二年五月九日終於居德里之第即以其
□□□有五日葬之於京地之神和□悲□□□威曾靡
降福□道何昧竟貽斯殃諒豈□□芳齡永逝悼以長往終
天無暮嗚呼□哉□□其墓銘曰玉碎兮珠焚風悲兮
日曛問天兮無言永絕兮音塵善可紀兮慧絕倫嚴霜降兮
值芳春丹旄飛兮淚霑巾千秋万世兮哀無垠

萬鈞刺字

武德年信本未為宏文館學士

黃葉和尚墓誌

正書

唐故卧龍寺黃葉和尚墓誌銘

守黃門侍郎許敬宗製 宏文館學士歐陽詢書

和尚自說姓名張真誌其生緣乘梓莫能知之隨故特進蜀
人段經興善寺僧釋永蒨並見和尚於太清初出入中條往
來都邑年可五六十歲未知其異也隨氏末年稍顯靈跡被
髮徒跣負杖挾鏡或徵索酒肴或十餘日不食預言未地懸
識他心一時之中分形數處屬我皇應運率土崩裂和尚
竟著先知住錫黃龍寺迨於定鼎果護奇驗以武德二年五
月廿有九日即化於卧龍寺之禪堂先是移寺之金剛像出

置戶外語僧衆曰菩薩當去爾越旬日無疾而逝沉舟之痛
有切 皇心殯葬資湏事豐口厚迺以武德三年秋九月四
日葬於萬年縣鳳口原望口墳而揜涕口白幕而驚心爰詔
有司式刊景行其銘口口化毗城金粟降靈猗歎大士權
跡 帝京緒口莫明邑居孰見辟彼涌出猶如空現五塵口
離三條口依戒珠靡口忍鎧無違智燈含焰慧駕口駢哀茲
景像悲斯風電將導舟梁貽我方便形煩心寐口口口觀
往測來覩微知顯石口亡儒星開口賢反初息假薪絕火然
神明何許暗石空傳

武德初許敬宗官連州別駕其為黃門侍郎約在太宗

末年信本署銜誤與蘇玉華誌同桑梓桑誤乘果獲竒
驗獲誤作護唐人造象刻經書菩薩字作薛亦作薩未
有作薩者此作薩偽造無疑也陝西通志臥龍寺有吳
道子畫觀音像及佛足跡碑初以像名觀音寺宋初有
僧惟果長臥其中人以臥龍呼之故名秦藩碑記云隋
為福應禪院唐名觀音寺宋太宗更名臥龍据此則寺
名謬誤矣

褚遂良造象

正書

大唐善業如妙法身

貞觀二年四月五日褚遂良造

此好事者為之也書法絕妙然去登善尚遠

涼州刺史郭雲墓志銘

正書

唐故銀青光祿大夫涼州刺史定遠縣開國子郭公墓志銘
率更令歐陽詢書

公諱雲字仲翔京兆萬年縣人也祖慶隨驃騎大將軍右光祿大夫相州長史父振武開府儀同金紫光祿大夫幽并二州刺史並箕裘紹業鍾鼎傳門稟穀華之秀氣降昴緯之星精英姿颯爽得孔門季路之風智計宏深有前漢留侯之略屬隨氏失政率土分崩我皇崛起英俊雲集公投款轅門深蒙優禮授武騎尉公迺霜戈奮武呈劍臨戎靜則岳峙山立動則雷奔電掣識超萬眾勇冠三軍以故但從征討輒建奇

勲武德元年封定遠縣男邑五百戶既又因舊封進爵為子賜以絳節儼上將之儀直以白茅開建國之模方當翊衛皇家馳騁雲表不幸以貞觀五年六月廿有七日終於脩德里第春秋五十有九贈銀青光祿大夫涼州刺史夫人唐氏定遠縣君內府丞仲翔季女也貞順著行珠玉含華雅稱良匹先公永逝以其年十月六日葬於縣西龍首原禮也嗣子漢章痛風木之不停憲陵原之倏變迺銘貞石庶表芳徽銘曰
惟岳降靈是生郭公既智且勇克奏霄功蔚彼虬松長留
雄風億萬斯年流慶無窮

隋無相州文云祖慶相州長史定遠屬濠州本臨豪武

德三年更名文云武德元年封定遠縣男均不合萃編
載郭雲銘並無誌文不知者因作此誌耳据志郭雲以
武騎尉封男進爵為子未歷何職歿贈銀青光祿大夫
武騎尉勳之一轉視從七品男爵從五品上子爵正五
品上銀青光祿大夫為從三品階亦高卑懸殊矣

蜀王祭酒蕭勝墓誌

正書

大唐故蜀王西閣祭酒蕭公墓誌

公諱勝字玄寗東海蘭陵人梁中宗宣皇帝之孫太尉安平
王周柱國巖之第十三子也豐谷雕雲騰三傑於星漢金陵
王氣軼五馬於天枝爰自綺年已膺茅社封為宜陽侯俄而

青蓋云歸咸陽起布衣之歎家聲□□□□□□□□
授散騎郎皇朝為上輕車都尉蜀王西閣□□□□賞虛罔
立操貞白學綜書府文藹詞林鐫銖珪系脫落塵滓□物我
於臨濠照空有於虛室龍宮之旨無以□□□□野之□自
足符其想信圻岸之金碧為羽毛之麟鳳然而過鳥忽驚悲
鼠藤之何促隙駒俄謝怨鶴林之已空春秋七十有四永徽
二年八月十五日遘疾薨於萬年縣之崇義里即以其年歲次
辛亥八月壬戌朔廿三日甲申窆於萬年縣寧安鄉鳳栖之
原嗚呼哀哉山可移予日難繫海成田予川而逝因寶六於
窮泉振芳聲於來裔其詞曰

楚國琴響秦時故侯寂寥下位栖遲一邱情涵水月心汎虛
舟持蓮泚盡援桂芳留人事超忽生涯浮脆溢露銷津翻霜
賈蒂夕陰先下泉扃早開長夜不追悠然來際

刺史褚遂良書

志石裂為四十餘年前得諸都中審為贗作勿錄也去
夏海琴復以寄贈云書款數字係後人所妄鑿嗣見補
訪碑錄載此志亦云後署六字乃偽作覆審字蹟前後
無區別耳新唐書宰相世系表巖安平王不言其為太
尉亦不載勝名此志云巖之第十三子而表於巖之後
絕未載其一子可疑也蜀王高祖弟湛所封爵

瘞琴銘并心經

正書

瘞琴銘

有序

嗚呼琴兮鼓者人亡則留為虛器友之樂盡將頽而生悲妻
莊氏字清卿明姿耀玉慧性旋珠垂髻而貞度山安待筭而
麗辭泉涌蠶桑之暇癖嗜絲桐家有美材命工精斲音律既
協性命相依年廿四歸予琴即為媵春花芬而奏薰風秋月
皎而操流水寢食與並好合彌徵纔及十年遽罹婉難春秋
卅有四惜哉一息靡憑豈謂九原可作七絃無恙誰禁五內
併傷乃以服御之具閑寘高閣瘞琴于山巔殉所自也唯埋
軀弛絃希聲於太古濡翰勒石飲恨以千秋銘曰生不逢辰

予人物棄捐音徽不遠兮南山之巔銘幽表泐兮有待他年
顧升撰書

般若波羅蜜多心經

般若多心經

顯慶二年八月一日莊甯為夫資福書

檢遺篋感深意福無靈人先棄勒貞珉還資施升口記

此吾蘇文人所為以寄其悼亡之情耳有能道其姓氏
者非輕疑之也薩字作薩已露破綻近秦中又有翻本
矣

海禪師方墳記正書

大唐化度寺故僧海禪師季六十有六俗姓劉綏州上縣人

也永徽五年十一月八日卒於禪眾以顯慶二年四月八日
於信行禪師所起方墳焉

顯慶三年歲次二月廿五日癸巳書

長安志化度寺本真寂寺隋尚書左僕射高潁宅開皇三
年潁捨宅奏立為寺武德二年改化度寺在義甯坊南門
之東平津讀碑記

吳荷屋云此記有二石一八行行七字邊有花紋一九
行行九字界方格後有年月案歲次下不記干支何邪
通鑑目錄是年正月甲申朔三月癸未朔則二月廿五
日非戊寅即丁丑不直癸巳二月亦不得有癸巳日癸

已乃正月十一日也然則後有年月者妄人為之耳後
無年月者禪衆上無於字未得拓本

雷大岑造象記書

若夫二儀有象顯覆載以含生四時無形潛寒暑以化物是
以庸愚者皆識其端□陰洞陽賢智者罕窮其數況乎佛道
崇虛乘幽控寂宏濟□品典御十方舉威靈而無上抑神力
而無下大之弥於宇宙細之攝於豪釐無滅無生磨千劫而
不古若隱若顯運百福而長今妙道凝懸遵之莫知□□故
知蠢蠢□□區區庸鄙投其指趣能□疑惑者哉□□□□
□□□十三人等□□□□□□□早悟三空之心□□菩提建

立碑象一區上為 皇帝陛下法界一切衆生及所生父

母曰緣眷屬早登菩提同臻彼岸

龍朔元年歲次辛酉七月甲午朔廿三日丙辰成佛

弟子雷大岑

石不知所在前襲聖教序文而庸愚上脫窺天鑒地四
字不成對偶妙道凝因作凝懸蓋近人避 聖祖

諱耳又割去法流二句

劉智妻孫氏合葬墓誌書

正

大唐故劉君合葬墓誌銘并序

武功蘇靈芝書

文不錄

原石為劉燕庭所得官浙後置諸淨慈寺今失所在標
題下有進士陳邁文五字無書人名此碑估仿造託於
蘇靈芝之名易於牟利也翻刻亦有兩本一本稍肥近
俗

淨善和尚塔銘

正書

大唐興唐寺淨善和尚塔銘

監察御史王延昌製 蒲州刺史顏真卿書

和尚姓張氏法号淨善京地雲陽人也幼而神清長益靈悟
誠請既深緣愛自淨迺授經於惠雲溯源窮委靡弗徹貫以
故業行高超利益宏溥知與不知但蒙宣示咸得解脫朗悟

信大道之津梁也以乾元元年二月六日告行於興唐寺門
人惠信等與俗侶白衣會葬近千人焉以其年九月九日起
塔於畢原高岡式昭大道庶慰永懷銘曰 佛有妙法使皆
清淨世界罕聞茫然莫正大哉我師降厥慈悲開示寂樂破
其惑迷法相既圓色空自離千萬大眾歎泣而隨功成身去
自契自藏銘於塔石與天同長 門徒惠信等立石

但蒙二字在第三行行末茫然茫字在廿行第二格蓋
正文錯誤補刻於空處耳世字不避寫末行有後學下
數字豈銘有原石久亡而是人重摹之耶後學上有指
南二字疑亦碑文中字然不知在何處也陝西通志興

唐觀開元十八年建又引續文獻通考云元和八年命
中尉彭忠獻修興唐觀而不載興唐寺

河南少尹裴復墓誌正書

唐故河南少尹裴君墓誌銘

諱復字茂紹河東人曾大父元簡大理正大父曠御史中
丞京畿採訪使父虬以有氣畧敢諫諍為諫議大夫引正大
疑有寵代宗朝屢辭官不肯拜卒贈工部尚書公舉賢良拜
同官尉僕射南陽公開府徐州召公主書記三遷至待御史
入朝廡殿中侍御史累遷至刑部郎中疾病改河南少尹輿
至官若干日卒實元和三季四月二十三日享季五十夫人

博陵崔氏少府監頰之女男三人璟質皆既冠其季始六歲
曰克郎卜葬得公卒之四月壬寅遂以其日葬東都芒山之
陰杜翟村公幼有文季十四上時雨詩代宗以為能將召
入為翰林學士尚書公請免曰願使卒學丁後母喪上使臨
弔又詔尚書公曰父忠而子果孝吾加賜以厲天下終喪必
且以為翰林其在徐州府能勤而有勞在朝以恭儉守其職
居喪必有聞待諸弟友以善教館嫠妹畜孤甥能別而有恩
廡十一官而無宅于都無田於野無遺資以為葬斯其可銘
也已銘曰

裴為顯姓入唐尤盛支分族離各為大家惟公之系德隆位

細曰子曰孫厥聲世繼晉陽之色愉愉翼翼無外無色幼壯若一何壽之不遐而祿之不多謂必有後其又信然邪

唐書宰相世系表洗馬裴後魏中書博士天壽之後曰元簡尉氏尉子曠御史中丞曠次子虬諫議大夫虬長子復河南少尹復三子長曰璟次曰質吏部郎中季曰望郎此誌元簡官大理正及季子曰克郎與表異餘皆同復之名又見於御史臺精舍記碑題額名誌中所稱僕射南陽公謂張建封也建封鎮徐州在貞元間復為所辟誌內侍御史誤侍作待刑部郎中誤刑作形歷殿中侍御史歷十一官二歷字皆誤止從日銘詞首二句姓盛為一韻三四句

離家二字無韻又無外無色色當是內字之謠古誌石華

石華系此誌於元和三年四月案文云實元和三年四月二十三日又云卜葬得公卒之四月壬寅攷通鑑目錄是年五月壬午朔以此逆推之四月不得有壬寅是年七月辛巳朔誌所稱壬寅者蓋七月廿二日也復卒於四月歷四五六七四月而葬故云公卒之四月壬寅也石華殆未攷核矣吳子苾式芬以為偽作洵然吳荷屋採入筠清館金石記趙撫叔收入補訪碑錄系此於元和二年尤誤

李術墓志正書

唐故叔氏墓誌并序

元和九年歲直甲午正月十九日丁卯浙東道觀察判官將
仕郎試大理評事攝監察御史李翱奉其叔氏之喪塋于茲
叔氏諱術生子曰王老遠在京師翱實主其事銘曰
翱生始言叔氏棄沒爰殯于野年周四甲豈無諸親生故或
迫亦有息子旅宦京國邱墳孰封松楸未列殯宇零毀狐狸
同穴中夜遠思酸悽心骨是以乞假公府言來筮宅追念延
陵喪子羸博葬不歸吳於禮其合唯叔平生游居是邑天謝
于此靈幽其託女姪之西仲兄之北冥昭何異可用居息孰
為故鄉乃樹松柏

案墓銘見李文公本集術為諸父而曰叔氏叔父之尊而
擬之延陵羸博尤為不倫文云奉其叔氏之喪葬於茲銘
云唯叔平生游居是邑卒莫知所葬何地李翱此文本不
可為典要後人就集本上石詭言出土書刻並劣集本題要
叔氏墓誌銘石本加唐故二字淺人涉筆已見其陋不獨
旅作旅幽作幽也錄而摘之以懲贗託金石編

太子校書李觀墓銘

正書

巨唐故太子校書前進士李君墓銘

李觀字元賓其先隴西人也始來自江之東年二十四舉進
士三年登上第又舉博學宏辭授太子校書一年年三十九

客死於京師既斂之三日其友人博陵崔宏禮葬之於國東門之外七里里曰慶義原曰高原友人韓愈書石以誌之銘曰已乎元賓壽也者吾不知其所慕夭也者吾不知其所惡生而不泐孰謂其壽死而不朽孰謂其夭已乎元賓才高乎當世行侔於古人已乎元賓竟何為哉竟何為哉

朱子校昌黎集授太子校書授作得年三十九作二十九据文序當以廿九為是里曰慶義里作鄉韓愈下無書字銘曰作辭曰孰謂其夭作孰謂之夭行侔於古人作而行出乎古人末二句注云方又云上竟石本作意而邵公濟嘗嘆其句法之妙謂歐公而下好韓氏學者

皆未之見遂從其說定上句作志意之意下句作究竟之竟則予不識其何說也竊意若非當時誤刻即是後來字半磨滅而讀者不審遂傳此謬是此誌原有石刻久不存矣此据韓集別本為之耳

福林寺戒塔銘

正書

唐故福林寺戒塔銘

并序

大德具戒為元和尚金口將贖而之盡衣慙懼也以至感為視袷未嘗犯者信生于手鄉可約束至顏氏子也西方聖人設戒二百五十俾隄限身口徑出生死今言法者殼喉舌鏘鎧其人我性釋氏徒毗尼者雖不轍乎意地而形骸之外是

缸是輻大宅煽^燃羊鹿効駕亦各也視中夏聖人刑自墨數
 三千或和尚出家之維乎不然和字德未相如夏五十七置
 幢于積祖師能孕業人庖垢不嘗□□非延^英□□之
 賓賓然不差淨觸噫法廣^{缺九}族龐氏京地興平人葷腴及
 字^{缺九}產吮而不啼慙而始誰竇氏^{缺九}日滋善種得度諒于
 慈悲^{缺四}及多羅經膝頽頽請介處不^{缺九}禡法
 界也其年其為泥人若射□□是□□宅□□箭也至乎眇
 生死之流闡身口□□□聖人□□□之歧其在毗尼乎多
 羅經五行□□□乎^{缺四}下次授萬化不可窮極居小雪首
 字^{缺六}百雋苔色其下榻卑夜形偈荅不^{缺六}大廈故鼓地之

桐也 議大夫柳公權書

會昌六年正月十六日建

竇來延刻字

此縮臨元奘碑殘字而為之故字蹟頗似誠懸文義絕
 不可通出家之雄雄書作維尤為可笑作偽日拙不待
 識者辨矣

葬馬銘^正書

大唐左監門衛副率哥舒季通葬馬銘

太子中允王知敬製并書

爰有名驄厥号雪蒼殷高天廐產重流砂蓋武德中嘗以賜
 故越州刺史督都諸軍事哥舒府君者也府君既已就義戎

行維是名驄亦從殲焉孤子左監門衛副率李通烏号血竭
雞聳骨立永懷罔極之悲思廣推恩之義迺圖厥形葬之墳
隅肇錫嘉銘用誌雄特其詞曰

粵維奉運異質斯生坤元繇德天駟流精
惟彼雪花馳轂
御櫪龍文表瑞鳳翥開績
於汴府君丕茂霄功帝曰賚汝
駿尾方瞳
越國過都逐星激電體健騰驤姿雄頤盼
紉
力著德合志同心策勲奏凱照古凌今
夫何不永陽九當
尻倏膏霜鋒早墜逸翮
瓦鴛羞全緱鶴並飛存亡既偕神
魄攸依
矯矯精忠垂光丹
翩翩者騅揚華驥尾
雲蒼
顧影揚葉嘶風戀彼故主遺恨焉窮

武德四年置越州總管七年改為都督府武德中無越
州刺史之稱都督諸軍事亦誤倒為督都哥舒氏代居
安西哥舒沮官左清道率其子道元官安西副都護並
無官越州刺史者哥舒翰則明皇時人矣此所稱哥舒
府君及孤子季通皆烏有先生耳王知敬高宗時人

八瓊室元金石偶存一卷

八瓊室元金石偶存

賜進士及第布政使銜湖南辰水沅靖兵備道太倉陸撰

重修州堂寺碑在鄆縣篆額橫列題皇太子令旨重修州堂
寺碑十一字碑分四截上二截稱闕端太子令旨一題癸卯
年五月一題乙未年十一月第三截稱皇太子令旨題丁未
四月末截稱帖哥火魯赤都元帥鈞旨題丁未年十月丁未
為定宗二年當宋馮祐七年潛研堂有跋攷覈極精詳

王惲漢柏柏詩云蒼柏無城擁漢陵閔宮遺樹鬱崢嶸崔嵬不
植明堂礎造化還通岳頂靈萬壑煙霏封傑榦半空風雨撼
秋聲白頭會見東封日秀映鸞旂一色青至元二年五月朔

第三行寫撰校人名照上卷

八銜湖南辰水沅靖兵備道太倉陸 撰

重修艸堂寺碑在鄠縣篆額橫列題皇太子令旨重修艸堂
寺碑十一字碑分四截上二截稱闕端太子令旨一題癸卯
年五月一題乙未年十一月第三截稱皇太子令旨題丁未
四月末截稱帖哥火魯赤都元帥鈞旨題丁未年十月丁未
為定宗二年當宋馮祐七年潛研堂有跋攷覈極精詳
王暉漢^柏詩云蒼柏無城擁漢陵閔宮遺樹鬱崢嶸崔嵬不
植明堂礎造化還通岳頂靈萬壑煙霏封傑榦半空風雨撼
秋聲白頭會見東封日秀映鸞旂一色青至元二年五月朔

述後書同來者郡人時震吳能賢縈浦陳簡前司掾李昕又有從仕郎泰安州判官張翔承務郎同知泰安州事徐汝嘉武德將軍泰安州達魯花赤兼諸軍奧魯合先禿都目高淵諸人名餘詳潛研堂跋語

宗聖宮圖碑在蓋屋橫額題終南山古樓觀宗聖宮之圖十一隸書下方有石庭玉題記其文云天下形勝之雄者在郡曰長安長安形勝之雄者在山曰終南終南名勝之最者在宮曰樓觀樓觀者真人尹氏之故宅太上老君說道德經之處也爰自結艸為樓觀星望氣聖真際遇經教宣傳由是道家之學風動天下水行地中矣自周而來屢經世變以教本

所在旋廢旋興近又廢於金季國朝開創之初先師同塵真人承清和太宗師之命篤意興復未幾樓殿凌空金碧溢目千季舊觀一朝復還草木以之生輝煙雲為之改色南山益秀而渭水增明矣嘗試論之天下名宮偉觀多矣原其所起斯樓觀者張本之地也諸方仙蹤聖迹廣矣覈其所以而樓觀者太上開教之口也論時則無前校尊則莫大是故萬乘數謁詔旨累修良有由也諦觀先師傳所載自古登仙得道之士出乎其間者無世無之是宮也其為道之源仙之祖教之本乎所以稍弛而更張中微而益著先德所謂終南元氣老不死誠篤論也比者修建告成因以先朝宮圖故新參訂

重繪而□之石使四方學道之士得以稽古而知本云至元
二年十月二日住山石庭玉謹識圖題榜曰宗聖宮曰三門
曰望氣樓曰三清殿曰元始殿曰四子殿右曰寶章左曰景
陽曰丹井皆在三清殿前又有六榜分列左右次右曰道院
曰企秀曰正一堂曰常善堂次左曰宮廳其右一榜漫漶曰
□宗曰育心曰祖堂曰考□樹曰方丈曰道院宮之南曰衙
林曰說經臺曰煉丹峯曰□阿菴曰太微峯□□山□□山
下□莊□□洞四榜在其右子方山五福山青石菴呂公崑
回車巘□坊平十老洞迎門洞八榜在其左說經臺之右有
東觀谷丹岩化女泉西觀谷洞微菴飛昇谷卧牛池玉真祠

延真觀九榜其左有純陽洞文仙谷洪□庵會靈觀□□莊
田谷樓觀渠元始臺七榜宮之西曰仙蛻園曰田村曰啞柏
元真觀曰洪□菴曰柏林宮之東曰菓園宮之北曰玉泉觀
曰渭河右為□真菴黑水河蓋屋縣路左為樓觀□河終南
縣凡題字六十八榜又有東南西北四字

火星巖詩刻一則詩云石柎根束蒼崖刻艾納苔封太古松
遷客鳳簫吹乳洞天池開徹玉夫容後題至元丁丑仲冬廿
又三日陝郡姚子徵父題

九老題名并詩句在平江道崑題名碑十一行文云前石埭
吳判縣斬振道生於宋甯宗嘉泰七年辛酉越壬戌三年甯

宗開禧十二年乙丑學賓魯士行時可生又一年甯宗開禧十三年丙寅前淮東魯帥機士能時舉管轄曹惟高陵甫生又七年嘉定癸酉聘君方采亮甫生今宋末帝己卯五老合三百六十八歲三月之朔胥會葆真以敘一時之盛事因題名於石垂不朽焉九月白鹿洞講書鄧希恕德夫如會時年六十有八前宋遺老會前承直郎池州石埭縣令吳鉞振道年七十八學賓魯士行時可年七十七前奉議郎淮東帥機魯士能時舉年七十三葆真觀管轄曹惟高陵甫年七十六逸老方采亮甫年六十九白鹿洞講書鄧希恕德夫年七十七主會前事奉大夫江夏縣開國男致仕鄂渚李應春子發

年六十九前朝散大夫京西通口漢東張萬全純甫年六十七豫章羅大岳年六十二羅大亨年七十至元辛巳三月甲子日刊末云九老之是詞遺留後巖本崖石壁今乃重鐫是碑以垂不朽詩句碑云□□搨本九老集一時齒德作期頤會每歲值金蓉錦之時擇山水處更迭主會借杯酌以篤

斯文之雅如是者十餘年各題姓名詩聯刻於道巖石上恐年湮剝落錄載譜牒今復命匠鐫碑以垂不朽初同會時各有詩章今採其警聯云方采亮曰方采字亮甫此萬劫灰中作方采亮殊誤

存世界千層浪裏惜儒琛吳鉞曰阮藉每看青眼舊鄒陽咸慨白頭新李應春曰像繪耆者英希五鶴歸華表詔千年張

萬全曰乍接笑言疑是夢相看顏貌老於年鄧希恕曰龜鶴
為羣同壽雉鹿麋相伴共時賢羅大岳曰素絲不改衣冠舊
黃道從教日月新羅大亨曰且追白社為耆會縱買黃金肯
少年又詩云一其元都重到拂題塵屈指於今十四春白石煙
消丹竈冷蒼崖日永畫樓新山中自笑黔驢技天外誰知海
鶴身洞口桃花莫相笑劉郎猶是少年人二其乘雲不到玉皇家
嵩山仙桃幾度花今日喜儕三益友來看丹竈煉黃芽三其石
敲新火煮雲腴細講濂溪太極圖此處不知千載後有人來
講此圖無九老同歎曰九人六百三十二雪鬢霜髯壽且康
更向丹崖題姓字永同地久與天長

沐澗魏夫人祠碑陰有至元年題刻一段記廟地四至文云
維大元國紫陵村上清紫虛元君廟地壹段東至溝道北至
溝南至官道西至楊家溝計地五十畝至元拾玖年叁月十
九日知廟王志希謹記魯書□人張元禮李□凡八行
石角山題刻二段一題太歲甲申至元二十一年正月二十
四日開山立此香火道場王□立一題丙戌至元二十三年
季春後一日二水丹崖宗興景中古昇江涼洪夫全安國君
□周寶貴卿侍主教□□沖虛壇李祥庵記石角山石刻從
未經人搜捐

重修說經臺記在盤屋宣授陝西五路西蜀四川道教提點

古汲李道謙撰文制授體仁文粹開元真人書樓孫惠或篆額本宮元壇講師藍水李志宗書後列尊宿提點提舉提領知宮副宮知事等●廿六人至元甲申歲陽復日立甲申為至元二十一年陽復冬至也碑凡十列列各二十二行行九字行書絕似趙承撰書人姓名分書在下方額失捐潛研有跋

重修慈雲寺碑在三原禮部貢士安定野人雅安張應成撰小師樛菴老人有宣正書耀州管內僧判小師有才篆額至元廿四年七月十五日僧有珍等施石後列三原縣簿石縣尹王姓而不名又列達魯花赤並不書姓末列宣授安西

路都僧錄靈通等名

澹山崑題詩三段 張圮詩云民喜甘霖澤大田公餘乘興訪林泉離塵疑到清涼國覽勝如登小有天晝接陽和臨洞口夜邀月色照臺前顛崖誰道人辛苦心境安恬便是仙伊誰鑿開混沌竅天造地設豈人為不到澹山得觀覽爭知閭苑非絕奇磨崖雖欠漫郎頌刻石喜存太史詩若使殷賢居此境料應版築肯他之前題云漢中張圮與同袍南陽萬國良八桂王桂侍廉訪簽事按部零陵喜六月雨吏民胥慶乃因公暇游澹山巖覽古迹靈異閱前賢品題情動於中吟二律以紀歲月非敢言詩也偕行郡庠廖景誠鄧桂賢唐以直

醫士胡寅孫清湘許珣春陵孟希聖二水李仁榮子鑑侍時
至元壬辰後六月旦日書 萬國良詩云初聞勝景興猶慳
一到幽巖倦復還萬里俗塵紅日遠數聲僧磬碧雲閑從知
天上無名竅化作人間澹姓山好寄煉丹仙島客來時為我
駐朱顏後題壬辰歲臘八日南陽萬國良留題萬國良見張
圮詩引故知為元刻永州志誤煉為秋 劉學海題記分書
六行云眉山劉學海督工修學得古石徑甚有佳致命監修
卿踰孫重闢之後來者無使其復堙焉亦同上天梯之要路
也元貞乙未象環劉洄珠記此刻前人未見

潭州權一面鐫至元二十□年一面鐫潭□路造上□器

此與元貞銅器皆

楊海琴所藏

濟州重建大成殿碑上半殘蝕在濟甯州學大成門外元三
十年二月立楊桓八分書楊郁文篆額撰人名缺濟州金石
志以為李謙撰武授堂有跋

西谿題刻三段在衡州石鼓山。史扛題名二段俱左行一云

元貞元年八月日自柳成軍迴真定史扛口湖南通志所載

柳下有桂字今未之見一云大德九年春正月重來距元貞

十年矣湖南通志所載缺後三字 主簿郭某題記云缺佳

致嶽阜名山惟蒸湘缺之冠也中間缺輩名重品缺言哉茲

蒙缺分司委請缺判官布伯承直提調鼎建缺燕居輪奐一

新畢工之日物此亭鐫缺以紀歲月其用心亦為日後口塵缺耳昔時丙申元貞孟春念口日將仕佐郎衡陽縣主簿郭缺元貞銅款題元貞丙申七月吉日郭震造正書丙申為元成宗二年

樓觀璽書碑亦在蓋屋篆額大元璽書四字碑列聖旨二通蒙古語以漢字書之有稱成吉思皇帝月古台皇帝薛禪皇帝者成吉思太祖也薛禪世祖也一作色辰末題元貞二年猴兒年十一月初七日

乙亥十月廖孟揚自濟州寄來鐵獅款字云在東嶽廟前手自搨墨以備采錄伸紙閱之凡十五行行兩字陽文首行殘

泐存二十九字文云口口獅子壹對鎮宅大吉安陽縣北銅冶匠人付興男付政造元貞式年十二月按此刻見山左金石志跋云在河道總督署前旗纛廟門前銘橫列獅子座之左側惟右獅有之考督署在元時為總管府治此鑄於元貞二年疑是總管府治舊物不知何時移於旗纛廟前也然曰鎮宅大吉似非官署神祠之器矣今謂在東嶽廟前與山左志不合抑孟揚之誤邪又濟州金石志亦載之首作門前二字云山左金石志門下缺一字茲從金石索補之按門字僅存左半自是不誤前字則馮氏以意增耳

鎮江路祭器題字篆書四行文云元大德丁未中順大夫鎮

此條移後第主張
崇聖寺聖旨碑之前

新畢工之日勅此亭鐫缺必紀歲月其用心亦為日後口塵缺耳昔時丙申元貞孟春念口日將仕佐郎衡陽縣主簿郭缺

宗二年

樓觀璽書碑亦在蓋屋篆額大元璽書四字碑列聖旨二通蒙古語以漢字書之有稱成吉思皇帝月古台皇帝薛禪皇帝者成吉思太祖也薛禪世祖也一作色辰末題元貞二年猴兒年十一月初七日

乙亥十月廖孟揚自濟州寄來鐵獅款字云在東嶽廟前手自搨墨以備采錄伸紙閱之凡十五行行兩字陽文首行殘

泐存二十九字文云口口獅子壹對鎮宅大吉安陽縣北銅冶匠人付興男付政造元貞式年十二月按此刻見山左金石志跋云在河道總督署前旗纛廟門前銘橫列獅子座之左側惟右獅有之考督署在元時為總管府治此鑄於元貞二年疑是總管府治舊物不知何時移於旗纛廟前也然曰鎮宅大吉似非官署神祠之器矣今謂在東嶽廟前與山左志不合抑孟揚之誤邪又濟州金石志亦載之首作門前二字云山左金石志門下缺一字茲從金石索補之按門字僅存左半自是不誤前字則馮氏以意增耳

鎮江路祭器題字篆書四行文云元大德丁未中順大夫鎮

此條後以第三張
崇聖寺聖旨碑之前

江路總管提舉學校史燦山長曹鑄凡二十四字丁未為大德十一年其明年則武宗至大矣

浯溪題刻七段 杜明詩云□□猶能不染塵照開萬象本
□真憲官不究戕民弊著甚□□寄我身後題大德庚子冬
至後一日江南諸道行御史臺監察御史杜明偕御史兀都
蠻敦武察吏劉禎劉衍因按臨湖廣舟經浯溪書此以紀歲
月祁陽縣典史李廷揚立石 史杠題名云大德九年乙巳
歲正月既望真定史杠觀從公游者許省掾許政王毅及姪
史耿從事高信客謝端識史杠天澤第四子史附天澤傳湖
南省志府誤作史柱並脫真定二字 姚紱詩云轉壑飛流落

碧虛艤蓬初得野僧居辭嚴魯史獲麟筆義抗馬遷金匱書
萬世綱常垂宇宙千年龍物護儲胥懸崖鏡石明如水幾與
遊人照珮琚後題至元丙子夏六月予分憲讞刑郴道諸郡
歷九疑下瀧江游澹巖寺讀浯溪碑茲亦生平瑰偉奇觀也
適會班文卿繇武岡至永弭節湘許遂同觀磨崖文憲掾張
德新許彥叔馬益速縣尉曾圭陝郡姚紱書瞿先生云紱時
官肅政廉訪使按部過祁而陽題也紱又有浯溪即景二絕句
亦刻崖上余未之見志載憲掾之憲誤作卿 高絢王維詩
前題至元後丁丑冬至日子二人陪御史南巡嶺海道經浯
溪艤舟登眺各成一律書以識一時之勝觀云高詩云瀟湘

江上驛船過登眺其如感慨何梵宇崢嶸口雲漢元家零落
寄煙蘿唐文剝削蝕蒼苔合石鏡昏蒙歲月多欲記遠游留拙
句天齊崖壁愧鐫磨王詩云昔年聳叟宅此日梵王宮基址
浯溪上山河石鏡中雄文稱水部健筆記顏公長嘯雲林外
煙飛萬壑風首行下有立石一行銜名已泐僅見教諭張遠
珍書六字高約洛陽人字元履王雖河東人字元口似是耆
字皆察據也湖南省府志所見未全故疑即訪碑錄之燕莫
白詩 御史等題名九行漫漶已甚首行見江南口道行御
史口監察御史燕十一字末題至元後丁丑冬仲口日邑令
後云云第三行有洛陽高約名蓋即前詩引所稱之御史也
泐

訪碑錄所載之燕莫白詩疑即此人然此刻燕字似是地名
未可遽定湖南省府志未載 何崇禮詩云行盡三吾數里
程風光苒苒入詩評山園佛寺禪關靜霜徹浯溪界清石鏡
照開天地影崖碑磨盡古今情倚筇未足登臨興日斷重巒
隔帝京後題昔時至元五年冬十一月初七日齊西何崇禮題
湖南省縣志誤作至元孟冬初一日并佚其姓名殆未見搨
本耳 吳大年詩刻六行缺 仲冬十九住山无方智普立 缺
見湖南道宣慰使俺口不花 缺 妙前朝劍壁 缺 搖摸索斷崖
缺 林霜葉莫蕭蕭 缺 未九月晦日溪園吳大年題湖南志未
載

重建昭佑王廟碑在揚州馬允中撰書并篆額額題重建雷塘昭佑王廟之記汪硯山寄貽云阮文達所搜出者文云惟揚全淮之甲郡也郡西北相距十五里有塘曰雷塘或曰陂塘曰波波即陂陂即塘也唐貞觀間引塘水溉田民獲其利大□間決塘水成田民得其畊唐末迄於宋蓄水以備漕運積而成淵其深不可蠡測時之清明也日光搖曳水波不興瑩□□下□□碧時之陰晦也翳空雲霧拍岸水聲倏然雷□□□解質其所以然蓋有□□蟄於其中因祠於塘北封之曰昭佑王是郡值□長□□下請水設雩禱雨其應如響郡人歲時歲祀而不敢忘兵革之□□有存□皇元混一區

□□□已亥□□□東宣慰合於一仍隸於揚命中書字缺九

而行司事撫治全淮公元勳世家碩德重望式副□□是歲

字缺七詢於衆有以雷塘請水告公從字缺四同知備□翰文字缺七

字率僚屬詣塘請水焚香拜手祠下□□□宇傾頽廟□□

□默□□□□□之冀其感應之速耳未幾果如所□庸是

涓吉興字缺五石一字缺四工役樂從其事以治中馬居仁仍釐

務而董字缺四竟□明年庚字缺四少雨螟螣肆□公齋被禁屠

復遵故典貯塘水置諸寺□□誠意□□不五日間大雨蘇

早一月凡七農悅於野民悅於市官吏得□□其責萬口一

辭咸感龍之靈公之德繇是工役轉嚴秋八月初□□宇落

成正殿六楹門六楹環堵約三十五丈有奇塑像□□兩旁繪□兩部出入之像公設牲醴安靈於祠惓惓冀神惠於無窮淮民何其幸歟□州路儒學教諭馬允中用撫其實而為之記題蓋并書後題大德辛丑四月吉日監工許提控林知事劉經歷張承務郎推官馬蕭從事_仕郎判官劉奉直大夫治中馬居仁奉政大夫同知正議大夫揚州路總管兼管內勸農事移刺慶堅昭毅大將軍揚州路總管府達魯花赤兼管內勸農事字蘭奚等立□

世祖平雲南碑在交城其文云國家繼天立極日月所照罔有內外雲南秦漢郡縣也負險弗庭乃憲廟踐之_祚二年歲在

壬子我世祖聖德神功文武皇帝以介弟親王之重授鉞專征秋九月出師冬十二月濟河明年春歷鹽夏四月出蕭關駐六盤八月絕洮踰吐蕃分軍為三道禁殺掠焚廬舍先遣使大理招之道阻而還十月過大渡河上率勁騎由中道先進十一月渡瀘所過望風欵附再使招之至其國遇害十二月薄其都城城倚蒼山西洱河為固國主段興智及其柄臣高太祥背城出戰大_{碑刻}敗又使招之三返弗聽下令攻之東西道兵亦至乃登點山_蒼臨視城中宵潰興智奔善闡追及太祥於姚州俘斬以殉分兵略地所向皆下惟善闡未附明年春留大將兀良合台經略之上振旅而還未幾拔善闡得

興智以獻釋不殺進軍平烏蠻部落三十七攻交趾破其都
收特磨溪以統之大德八年平章政事也速合兒建言所領
雲南地居徼外歷世所不能臣先皇帝天戈一麾無思不服
今其民衣被皇明同於方夏幼長少老怡怡熙熙皆自忘其
往陋非神武不殺之恩不及此惟點蒼之山嘗駐蹕焉若紀
聖功刻石其上使臣民永永瞻仰於事為宜中書以聞以下
捐本
遺失

張與材題二蘇書記草書亦在盤屋文云此勝國嘉祐癸卯
坡穎二公之筆其辭流出胸臆一皆上下感動忠懇之情而
底無為之功者豈亦見當時大臣於朝廷之意耶姑勿論維

神君之靈有不待此辭而洋洋如在然亦以贊神功傳達久
者此辭也摩挲刻本天風灑然予何言書以識余觀之歲月
云爾大德十一年三月廿有八日嗣天師張與材書與材為
道陵二十七世孫元史有傳其下又有廣微子寄題終南山
上清太平宮詩廣微子即與材自號也詩云飄飄紫口行太清
秘語忽落空中聽至今天風吹不了白鶴飛繞終南青上三
碑皆關中金石記所未載

雙行小注

畫史元詮與材字國梁
號薇山別號廣微子

第八張鎮江熟器題

字移次以安

第三張重建孝子李

永珍碑三行移次以處

崇聖寺聖旨碑在大理府碑因寺內產業園林碾磨店鋪席
浴房人口頭足不准專取給予聖旨內有成吉思皇帝月吉
互皇帝薛禪皇帝完澤篤皇帝曲律皇帝聖旨字末題猪兒

年閏七月初五日按完澤篤成宗也一作鄂靳哲圖曲律當是武宗猪兒年當是武宗至大四年辛亥也

玉瑄巖揚宣慰詩云湖湘巨嶽衡為奇衡山之南推九疑千峯挿立雲滅表萬壑交鎖松蘿垂真人厭世不事俗騎龍跨鳳相攀追結茅鍛竈入杳渺靈迹往往傳豐碑窮奇極巧擅南服有虞祠塚宏門楣何為遠狩坐弗返天以聖真彰遐夷蕭韶娥皇及女英三旬鼎拔猶鎗旗衣冠劍履亦安在雲麓靄靄猿猱悲自餘瑣細不足料茲欲挂一嗟萬遺披圖目眩膽再連况若親履臨陔陝愛山不舍自我癖畫山遠致天工移殘年仙籍倘有分筦豹或可容微窺前題播州楊宣慰相公

詠九疑圖詩後題古□進士雷聲鴻書至大四年歲次辛亥十二月旦日軍民宣撫使司奏差雷嗣正沿邊宣慰使司奏差雷元善磨崖後又題大元國上護軍資德大夫紹慶珍州平南等處沿邊宣慰使行播州軍民宣撫使播州等處管軍萬戶侍衛親軍都指揮使楊中齋宗滌樓留雲奩金石審攷為楊漢英所題史言漢英字熙載此作中齋與史不同以署銜證之其說良是漢英賜名賽因不花系出楊端史有傳餘詳宗跋

浪石寺蔣大士塔記在江華前鄉貢進士李起茶撰并書篆額題道州江華縣蔣大士塔記十字古文甚奇皇慶二年五

月蔣雷發等立石其略云大士姓蔣名永雄一夕神僧下降
自稱普法王佛謂大士十世有修行之舊付以穿珠經訣乃
披道者服就浪石寺立壇說法有經書八本偈頌百餘以崇
甯五年五月廿九日跌化於姥嶺迎歸於寺屢臻靈異曾留
日出江華照永明之頌至淳熙間金華周煜來宰邑奏減稅
額乃合日華二字為其名知為大士後身今其裔孫雷發一
新塔廟以奉真身乃立碑而申之以辭曰三華兮鄰九疑偉
大士兮心香舜祠指穿珠兮逢聖師鐵脊梁兮坐雲芝來金
地兮二百禩於茲謙處不來果兮福慧過之裔孫兮撐宇拓
基竹茁龕後兮隨現神奇讚歎兮鄧豐碑就重華兮陂詞願

能仁兮輔皇化之無為今而後兮溥寰宇之雍熙後題嗣香
火僧法奇等名永州志脫會首何文煒蔣義和朱至善十一
字

文昌樓殘鐘陽識舊在太倉海甯寺明孝宗時移置州治之鐘樓

據潛研跋云延祐四年崑山州知州王安貞屬翰林國史院
編修官章壽為之銘同治年颶風大作樓圮鐘毀僅存數片
今亦為人融冶矣鄉鄉人有寄貽搨本四紙者錄之以存遺
蹟一存若人欲了知三世一缺應觀法界性一切缺十五字
一存海舶揚風履道坦坦口若不逢福靈沙界聖祚延洪二
十字蓋銘詞也後列唵嚩呢口哩吽野吒八字通體正書此

獨草書一存十二行首列造寺故大檀越資德大夫大司農
河南河北等處行中書省左丞相公朱君夫人却氏胡氏朱
君~~者~~潛研以為朱清也次列懷遠大將軍海道運糧萬戶五
□相公朱君昭武大將軍都水監中山相公朱君夫人慕氏
福一舍人信武將軍海道運糧萬戶玉溪相公劉君夫人周
氏明威將軍海道運糧萬戶春□相公黃君夫人穆氏承信
郎海道運糧^何二總管朱公忠顯校尉海道運糧萬戶七總管朱
公敦武校尉海道運糧千戶竹軒總管宋公阿二萬戶當是
艘編次也後又有助緣人名云錢天祐男金斗助度母親沈
氏季一娘子室闈氏榮二娘徐慶娘男士淵士海度祖妣陸

氏廿七娘許氏細三娘姑吳氏細一娘王慶孫追度考性初
王仲一承務餘二紙則係心經十六行^行三字一存眼耳□舌
身意無色聲香味觸□無眼□乃至□意識十七字一存無
□□故菩□薩埵依般若波羅蜜多故心無罣礙故無有恐
怖遠離二十七字

平江路祭器題字共五行文云延祐六年歲在己未正月吉
日平江路提調學校官總管不八沙正議任內添造後題教
授陳伯監鑄

董祐題名文云董祐田公□□□總帥府□□□延祐七年
□月左行在宣和年間中蒲某題名之右未詳所在

大羅江廟鐘款在武岡余兩得搨本一本僅搨天下太平等十六字末有元祐六年月日任持八字審之是搨摹者蓋據湖南通志以為宋鐘也一為全本鐘凡四區題刻人姓名一區有勸緣朱慶孫字宮後題年月祐上似是延字一區有大元年國湖南省武岡路云云鐫刻甚劣不盡可識要為元仁宋延祐所鑄無疑湖南通志又載有元祐間大羅江廟碑疑亦延祐之誤特未之見耳

福山文廟學田記碑在福山縣學翰林待制奉議大夫知制誥兼國史院編修張起巖撰棲霞縣儒學教諭劉遵誨正書將士佐郎福山縣主簿納合彥禮題額額題福山縣文廟學

田記八字奉定元年二月儒學教諭馬禧等立石後題列福山縣達魯花赤禿滿迭兒諸官吏名先卑後尊據碑文及山左金石志碑尚有陰

永昌路祭器題字陽識四行文云常德路達魯花赤哈珊黑黑鑄造祭器壹伯貳拾玖件奉王命也永昌路西涼州儒學永寶之奉定甲子四月吉日誌甲子為奉定元年紙尾有虎臣手搨小印

桂林有祖師坐像磨厓石刻之廣西金石略所未載像高一尺一寸許上列橫額題祖師口法性古像七字次刻比丘宗寶贊及慈信刻石題記贊云盧淡月冷庾嶺月明風幡非動

訝露心晴人間天上覓不得還照曹溪清更清山翁與鹿嘖
嘆也只道得一半且如何是那一半光含萬象徹今古慧日
高懸天外昇後題至元甲午住山法孫宗寶拜贊奉定甲子
七月二十八日住風旛嗣祖比丘慈信拜立甲午為至元三
十一年甲子為奉定元年相距三十載

石門林升題名在褒城文云郡知事口仲林升以口修磊口
口口工來此奉定四年孟秋十日友人鄭復初口宰曹子成
石魚宋刻百餘段姚彥士始搜搨之已已冬悉數贈予內有
元人題記兩段一題云天麻已已春水去魚下二尺歲大熟
庚午復去五尺監郡宣侯爰及同僚洎邦人士游慶記耳王

正上元日題攷已巳明宗即位無年號庚午五月文宗即位
改元至順此題在正月故仍稱天麻也後又有救苦觀世音
菩薩一身九字一題云涪陵誌江心石魚出則大稔予守郡
次年始獲見率僚友來觀適有木魚依柳條中流浮至衆驚
喜曰石魚自古為祥木魚尤為異瑞也請刻之以示將來云
至順癸酉仲春十有三日奉議大夫涪守張八互謹識攷至
順為文宗年號癸酉為順宗元統元年順宗於是年十月即
位此題在二月尚未改元先一年甯宗即位無年號故仍稱
至順也

慶真閣記碑在臨桂馬宗成撰橫額題碧霞洞慶真閣之記

碑文云天祿三年春臨江湖雲興整葺碧口洞天架閣道以
便人之登臨粧飾元帝聖相立龕堂以起人之瞻仰扁其額
曰慶真閣仍鑄銅鐘懸挂晨昏扣擊使聲聞於天而乃屬予
作文以記之之予觀夫桂林勝狀南北東西環繞皆山也山皆
平地拔起而成碧玉簪之秀者看來亦未足為勝其有口岩
空洞中間更有古跡可驗此為勝爾堪羨桂林之關北出內
城之外沿隍池東去二百步一山突起朝北開岩生成洞天
之景致古曰碧霞洞今也胡君出力命工履崎嶇披蒙葺架
閣道接高空此後人來登臨者必景行而歸功也元初安奉
治世福神侍從將吏於高巖之上歲久損壞今也胡君捐財

命匠立龕堂安聖像肅侍從列天將此後人來瞻仰者必加
敬而傾向也聳聽鯨音震動鳴聲遠揚何況洞中佳致常清
常靜塵飛自隔風過不侵遇夜則天漢相連斗星正對誠為
仙境宜胡君目為勝境而樂然修飾之抑又慶師真高閣從
此一新也噫桂林有碧霞洞天昔之勝微雲間之士其誰與興
援筆成文記其歲月云爾昔天祿庚午三月望日湖湘道人
馬宗成述寓桂府臨江湖君雲興立石按天祿無三年是年
四月改元至順此碑刻於三月故尚書天祿也粵西金石略
失採揚海琴前輩搜得之

孔子象贊在臨林讀書巖下方題記大元至正五年吳元氏

峇海帖木兒喜童同安馬家叔峇密失海牙李京孫

道靜江閣唐九氏師保各侍親官桂林憲帥司來學於

顏公書品刻孔子像朝夕瞻敬永保無荒臨川黎載謹識

重修義帝廟碑在郴州篆額題重修義帝廟記六字至正五年碑多殘泐下方尤甚文云白蛇劍斷山鬼獻璧天下已無秦無秦者天理也人心也秦為不道毒痛四海人心思得義主若大旱之望雲霓特赦函之戍卒大澤之羣盜耳安能為天下之義主哉夫除暴之謂義虐我之謂讐義者人心之所同歸讐者天下缺之犬馬皆有憤色人之言曰楚雖三戶亡秦必楚當時之人痛入骨髓有能因人心之痛而義之

猶水就下沛然莫缺復立楚後以從民於是懷王立而雲合

響應望想其國造草昧南面雍容乃能遣寬大長者難慄悍

禍賊約以缺義主也奈何陽尊陰弑是亡秦之續耳天下烏

得而不讐之是以新城三老陳順逆之說率三軍為之編素

缺嗟乎內則父子外則君臣為人倫天理之在人心庸可

泯哉故隨何陳此義而下九江酈生陳此義缺名既正勝負

之勢遂分吁可畏陵在郡之西祠庭改創於宋之咸淳

年間到今百有餘年矣歲月缺餘耳疇肯一顧而葺之至正

甲申冬通議大夫脫穎溥化疇楚公來監是郡昔繇尚書

直省舍人歷宣徽院提點充武備寺使考績旌拜江南諸

道行御史臺監察御史守江浙行省。揚清一省鎮靜。體
覆浙東浙西福建廉司聲迹剛果。河北河南憲事雍姦瘴
惡發粟。飢斯民至今。中書吏部而銓選無弊。出守
黃靖二郡而政化大。選除江浙財賦都總管。出納明。
其。事蹟炳然可考。夫以公之碩德重望。出監
斯郡。固明德化。於是詞訟簡賦役均。圉空。農桑有
効。開倉賑濟。減價糶糧。孜孜為民。日不暇給。臣之義不可
以不明。古帝之祠不可。八因其舊制。腐者易之。故者飾之。
凡其購木石。餉工。民趨事赴功者。皆不顧而集。既而
直欄古礎。增美於前。於是耄者喜其。新穉者駭其麗。曰

噫。首議立楚後者。以義結人心也。八無諫者。豈亞父諸人
不與聞歟。何審於始而昧於。尊王之義。安有身被弑。君之
名而自。八羽之罪。遂無所容於天地之間矣。拔山力盡。四
面登。吁。知咎天而不知罪之逆天。猶斬將。九果何救於
敗亡哉。宜乎不遂霸而懷王廟。者不能以義而終深。夫
。楚公能明大義。以正人心。使君臣之。知所畏憚。其功於
世教。豈小補哉。遂銘之。君臣有義人。五定矣。帝豈陽尊
濁水龍興。迺逞其欲。六遂深哀哉。義帝竟殞於。城
下。潰圍。六古木維義之陵。千秋萬歲。修舉廢墜。六攸
敘。郴山。轟轟。郴水洋洋。亂臣賊子。七銘將以垂戒。記前

題銜首行存賜同進士出身將仕郎天臨路長沙縣十五字
次行存大夫湖南道宣慰使都元十字三行存榮大夫前典
瑞院使八字碑尾首行存至正五年龍集乙酉缺隆毛必富
郴州錄事判官趙欽祖同郴州二十四字次行存林宏承隆
郎郴州缺勸農事荅失蠻郴州路總管府十九字末行存州
路總管府知事吳榮缺總管府缺居敬承務郎郴州路總二十
一字撰書人名缺據郴州志謂長沙縣丞陳元明撰
嵩陽石柱有至正丙戌題名五行丙戌為至正六年順宗即
位之十四年也文云至正丙戌歲六月登封縣達魯花赤塔
海縣尹奉甯鄭郁文卿主簿天黨張惟暹景臣同游二十六

日謹題塔海書名鄭張兼書字奉甯天黨皆不見於元史地
志當攷

九曜石有至正年題刻兩段余得其一正書兩行文云至正
丙戌正月望日韋德安叔逸遊此丙戌為至正六年

重建孝子李永珍碑極漫漶永州志所載缺誤甚多備錄
存之文云東安縣口永田江東坊李孝文諱文珍缺半股和

湯藥其病安口宿唐伯玉等陳縣申州照條文賜錢會是歲
趙知縣口口縣尉給照旌表缺半風雨飄口獨存石口想

當時因循鐫刻至口口于路旁得李孝子曾孫李覺昕袖當
年所給縣照而告予請記名予曰東安志已紀其缺口縣志

此條移前第三條鎮江
路祭題字之後考
李永珍碑之前

雖具載而路人不知是之意名□□之予不容辭於教 孝者百行之原人之行莫大於孝孝莫大於事親人之一身乃父母之遺體也其嗣續尤為天凡人子事親居則致其敬養則致其元脫樂病則致其憂冬溫而夏清昏定而晨省恭為子職然後無愧於高厚夫在昔大孝稱虞舜至孝曰曾子魯□見命□□考叔寤莊稱純黃香之溫席□□王祥之卧冰□鯉能□□事愛敬之□惟揚名後世而天地鬼神垂憐之自唐時陳藏時著本草拾遺謂人肉治羸疾自是人間父母疾困者多以割股治之其病即愈時有京兆之張河陽之劉皆以孝行聞朝廷□給□□旌表門閭□□先後韓文公

有云人子有缺篤孝未聞 缺不幸則至□之義 缺經□之□非全□行禮□之能□乎□其親出於誠心亦足稱者回視□□昔為何如八都李 缺以 缺父母 缺高□之視□州縣□加之□□不易得也 缺聖朝□以孝子順孫□天下得亦加旌表以勸之視今□之□□孝子不匱永錫爾類是其之謂乎今日有能以孝行聞於上豈止夸一時而榮一鄉哉予□不逮舉善而教□□勸 缺行之歸顧不遑歟時至大元年十月□縣學司諭龍□文翔伯記鄧直□書後列典史周□永州路東安縣尉和□進義副尉永州路東安縣主簿張心□將仕郎永州路東安縣丞劉□承務郎永州路東安縣尹兼

勸農事楊釜進義副尉永州路東安縣達魯花赤兼勸農事
花列迷迭立按李永珍東安人母鄧氏獲異疾思魚作羹時
五寒永珍虔禱得魚供膳後復割股療母咸馮中縣令趙崇
銓聞於朝旌表其門建孝感坊

承天禪院碑在荊州篆額二行題荊南叢蘭精舍之記標題
云荊南承天禪院叢蘭精舍記文云臨川羅季能以荊湖制
司幕府寓治江陵即承天院故基為叢蘭精舍而移書渠陽
缺四書字缺三天院以黃太史重固也而叢蘭之名何居乃復
以請季能曰是院也世傳為晉侍中字缺八章致仕還荆而蘭
叢生於階庭人謂德行之感子為我併識所以作予觀世之

論君字缺四謂字缺三鳥之夢藻思日新其譽魯直亦曰詞人之

巨擘耳噫張華蕭繹嘗博物矣朱異江總嘗屬文云口世如

口夏呂王亦能操觚弄翰矣而他無足云祇足為國家妖孽

則君子奚貴焉君章之事口史罕見其僅見口湘中之寶荆

楚之材江左之秀耳然觀其從庾元友規謝仁口則猶未免為

曠逸之士口口桓温氣艷翕赫公卿大臣皆卑躬屈膝惟恐

後雖謝安石之賢也而不能免君章獨以口近囂塵字缺四西

之小洲布衣蔬食居之宴如也他日温大會寮吏君章雖容

末坐若有氣吞姦豪之勇以字缺五謂賢乎黃魯直所遭則又

有人所甚難者章惇為政蔡卞諸人首治史事魯直坐謫黔

我缺五徽宗初政起之謫籍道出江陵為承天院作浮圖記

而轉運判官陳舉承望趙挺之風缺十以為幸災謗國坐徒

宜陽嗚呼彼所謂卑躬屈膝望承風指洋洋然自謂得矣朝

榮口槁口壤同口而矯矯獨立者垂芳簡策其為蘭鞠不已

多乎况君章未陽人也江陵特仕國耳且口宮故口其獸

誼嗜寂徙居城西三里而盛洪之荊州記乃謂距城西者百

餘里瞰川為樓因名羅公洲按缺四前後凡口遷今承天院

故址或始居或改卜亦未可知也而劉明之假其宅若有見

其像顏缺三貽詩口亦卷卷於短墻喬木之間以是知賢

者所寓雖名存實廢而隱乎斯口心者常與所寓缺三天

理口良口閱千載如一日也承天塔記豫章集以其因是取

禍不忍錄而七十口年後再勒缺三處缺三士大夫正心脩

身當以千載自期苟有所好樂憂懼而不得其正祇以口過

其口耳矣缺九也家有蘭鞠而紉芳擷華於簡策尚友古人

此其好學之誠未有口予缺九稱亦口季能充而大之必

至於師友古之聖賢明善誠身而後為學焉紹定四年夏缺十

字大元至正七年歲次丁亥十月望日山門重立石後題當

寺首座口書丹篆口當代住山天瑤書法趙承旨微少骨

力而名已泐矣後又有旨授佛光普照大禪師前任當山口

住公安大工聖缺一行按山谷作承天塔記因是編隸宜州

事見宋史本傳亦見山谷年譜所述為詳云公初自蜀出峽留荊州待辭免乞郡之命與府帥馬城忠玉相為歡甚閩人陳舉自臺察出為轉運判官公未嘗與交一日承天寺浮圖成僧智珠乞記並請書石忠玉同諸部使者環觀公書碑公於碑尾但云作記者朝奉郎新知舒州事豫章黃庭堅立石者承議郎知府事荏平馬城而已舉與轉運判官李植提舉常平林虞相顧遽請於前曰某等願記名不朽可乎公不答舉由是憾之知公在河北與趙挺之有怨挺之執政遂以墨本走介獻於朝謂幸災謗公遂除名羈管宜州事具仲賁跋承天塔記中承天塔記今集中無之據此碑於紹定年重勒

入石亦已久亡君章者羅含也耒陽人晉書有傳稱其為州別駕時以廨舍誼擾於城西池小洲上立茅屋伐木為材織葦為席而居布衣蔬食晏如也又云及致仕還家階庭蘭鞠叢生人以為德行之感據此碑則蘭鞠叢生在荆不在耒矣蒙嵒僕世玉祠刻文云至正戊子二月朔偕憲掾戴仲治奏差劉右卿祝釐來遊時山桃爛漫煙雨冥蒙恍隔塵世汲泉煮茗清話移時為賦菩薩蠻一闋云蒙嵒幾日桃花雨依稀流水章橋去只恐到天台誤通劉阮來玉堂開綺戶不隔塵寰路休認避秦人壺中別有春通議大夫憲僉僕世玉題朱守諒秋夜偶成詩在黔陽登科題名下方詩云兩圍江水

薄城闔地僻民稀俗化溥暫止熊羆消大暑秋深雲合殄妖
塵旌旗十萬壓城闔矍鑠將軍智略新蠢爾洞搖殲滅盡捷
書馳報馬揚塵征鼓角定晨昏細柳嚴明令具存擒盡渠魁
歸上府脅從先已宥皇恩殘暑炎蒸苦不禁秋來伏盡尚相
侵祝融何是專權甚不放新涼爽客襟臨戰鑄兵機失晚羨
魚結網智尤癡英豪若隱平蠻策特展長才莫吝為麟足傷
殘遇世衰孔宣嗟出非時陽消陰長皆天理一任豺狼滿路
歧後題近因洞賊作耗逆犯王師奉命分省勦捕予忝居其
幕自辰沅東下至黔陽時維大暑軍卒疫痢故暫憩是邑秋
夜偶成七言六絕以俟同志諸君一笑云至正八年歲次戊

子秋七月中旬朝散大夫湖廣等處行中書省左右司員外
郎朱守諒題左右司典史文暨書從行張政進士文鈞黔陽
縣儒學教諭徐祐立湖南通志載此脫誤三字

朝陽崑周從進題名云至正九年歲在己丑仲春之月湖南
僉憲周公從進按部春陵艤舟二水偕掾史張仲謙馮禮卿
遊郡之朝陽崑尋幽索奇慷慨弔古風日和美岳洞虛明恍
若僊境也因命刻石以紀勝游且誌歲月從行者總管牛中
同知野先海涯推官李讓經歷白鏞謹記府吏李次臯書永
州志誤牛為井

周子故居記碑在道州濂溪故里祠大門之左篆額題濂溪

周子故居新興造記十字榮祿大夫知制誥監修國史歐陽
元撰并書榮祿大夫磨泐僅一旨字明顯蓋翰林承旨也翰林
學士資善大夫知制誥同修國史楊宗瑞篆額僉嶺北湖南
道肅政廉訪司事周□書□僉上磨泐至正九年十月立其
文云□□□西距城可十里有鄉曰營樂里曰濂溪子周
子故居在焉左有山曰龍山其□□□龍右有巖曰豸
嶺巖石吟呀其狀若豸中為平田有水逶迤田間澄澈見底
□□濂水□其居舊制有堂三間門廡稱之堂肖周子之父
諫議大夫之像居其中周子像□其右□□則司封郎中壽
徽猷閣憲之像以次侍坐周子之二子也在宋之代春□二

□以□□□守令詣祭元□□濂洛之學追封周子為道國
公祀事視昔加豐而故居湫隘歲久浸弊祭畢飲福缺一字十年
邑人□偉□營道主簿嘗□祭□進里儒唐道舉而勉之缺一
一弗□君生□里缺一字八之責□屬君其勿辭道缺一字完而
已吾欲異於是可缺一字九之郡缺一字工伐石陶瓦除其旁地斥
大缺一字六三間□為專□祠周子列先賢□□於其側後為重
屋上下皆施雙梁如缺一字六像□坐旁設司封徽猷像坐東西
□□下為祭官止息之所未及落成而□□即世後三年子
□詔復作東西序□十間以□□□未幾屬邑有警軍興方
殷作□□□□至□八年缺一字十繚以周垣□以堅□丹堊

彰施新九^十計者百四十有奇然後每歲祀事邊豆有□□
□有位□□有儀□□而□旅酬有所□□□咸有芘賴
乃介^字五君嗣隆奉事狀來請□記之惟昔商客商之賢
人也周武王伐商有天下過其門而□之史書於冊召伯□
行南國聽民訟於甘棠之下南國^之人為詩以相戒曰□□□
□召伯所□勿剪勿伐夫商容□代□賢其所居為時君之
所敬禮召伯一日之舍□□□為邦人之所□□□且如是
子周子上接孔孟之緒下開程朱之學有功斯道昭被萬世
其故居修□□因為政之所當□□度之所當舉然贊府熊
君謀於其始通守吳侯濟於厥終唐氏父子實克繼紹以究

是圖垂三十年乃底成績其可無紀載乎大德□未戊申間
□從先君子奠國公典教是邦歲祠故居屢造其地蓋嘗目
擊而能言者乃□以授詞隆俾歸勒之石以勸方來云至正
八年歲在戊子九月己酉記前後凡二十八行下方又有題
記云蓋聞孔子舊宅金石絲竹□□猶遺孟母三遷□豆揖
遜之居如昨嗟孟後^不傳之久幸周子篤生於南紹往聖開
來學厥功大著濂溪故居前營道主簿邑人熊偉勉里士唐
道舉新之父作子述前郡侯肯堂吳君成其終翰林承旨圭
齋先生歐陽公為之記嶺北湖南僉憲周公為之書翰林學
士楊公篆題至正九年己丑之歲□□博士蔣文緯書院攝

山長周仁□教導周善溥偕□院□儒□為立石表厥□里
樹之風聲□□□□行行□吾黨勗哉是年□良月吉日
中順大夫□□路總管兼管內勸農事玉山林興祖謹書
牛繼志南海神祠碑在南海標題云代祀南海廟記下題南
安路道源書院山長黃異書丹文云至正乙未春正月元日
皇帝御大明殿受群臣萬方賀廷臣陞請嶽鎮海瀆歲有恒
祀宜遣香如舊禮皇帝嘉其奏手香於額分授使曰若曰往
敬之哉時承事郎太府監右藏庫使臣三寶奴翰林修撰承
務郎臣牛繼得南海南海廟在海北壩去京師且萬里經涉
江領凡四越月始達於廣之驛五月二十又二日丁未有事

祠下憲臣八撒刺不華奉訓帥臣忽速刺沙中奉率寮窠以
次酌獻內盡志外盡物威儀孔時於於如也省牲之夕暘陰
間作禮既舉萬里一天月星明概而風馬雲車一陟一降真
若有或臨之者不奇特而然哉先是淮寇搆亂道途梗塞使
節罕通逮茲香旆之來谿蠻峒獠羅拜道側或至垂泣曰不
圖今日復覩天使威儀誓死不敢從亂矣烏虜古之所以致
力於神者凡以為民也民心之悅若是神之意可知其降而
歆我食氣也固宜然而南海王之靈應昭晰昌黎韓愈為孔
戮述之詳矣當茲大禮告成倘用赫厥靈異祚我皇運恢神
謀彰秘算不界遐爾俾兵以時輯人獲其所嘉氣應而諸福

至斯之謂善對揚聖天子敬恭之美意韓碑在前必有能嗣而書之者六月朔日臣繼志謹記與祭官憲司經歷月忽難從仕知事王謙從仕譯史長吉互書吏部執道蔣仁傑奏差汪珪廣西憲司知事高志翔從仕名汝翼江西行省宣使程忠帥府經歷察邁令史游崇德田宏方晉梁瑞曹逢原何仁孫奏差杜思義杜從道黃誠陳仲寬楊真惠廣州路總管府判官王哈刺互照磨林瑞路吏霍仲祥岑伯仁番禺縣尹鄭敬廣州路儒學教授羅文煥學正周通學錄尹靖訓導沈克敬教諭張本彭唯等立石記十五行行三十四字與祭銜名七行乙未為至正十五年分隸整勁鐫刻精良是元碑之佳

者翁閣學粵東金石略載南海廟元碑十通所見惟此

粵東鐵塔蓋為宋人所鑄歲久泐蝕元至正間重易之以銅

海琴游粵捐以見詒前列佛號四行其文云護持四法緊那

羅王菩薩西天唐土諸善知識護塔大權唵唎菩薩千手眼

觀世音菩薩後列姓氏年月二十六行云化緣信士瞿伯王

運力僧寶昇堅總堅愿堅憲元偉廣慶義璵義意仲賢堅恂

元詮寶琛寶琮寶瑞善祿化緣信女馮妙田自命癸巳三月

十二夜子時生信女龔二姐孟一姐程妙堅運力行者可達

可印以壽道清塔主善壽何大曹二護陳伯誠趙文遠林觀

俊李那海灰拭匠人潘德卿大元至五十八年歲成歲十壹

月十七日彌佗但晨上寶珠記江西吉安師父李仁救李善
卿父呂道全各生淨界蔣王府禹四姐後又列佛號二行云
南無滿願菩薩南無常精進菩薩後又列年月人名二十六
行云熙淳癸酉女弟子黃氏念六娘捨錢鑄造鐵蓋年深破
壞今大元至正十八年戊戌歲化到十方善男信女以銅易
鐵重新鑄造天盤壽山蓋各祈善利者提調燒灰僧信士李
榮祝壽僧定明定智寶珠明觀堅愍庫子元宏化主明枯堅
忻寶璫寶現堅恪堅□監修堅怒掌財法總提督堅德耆舊
堅悠壽祔嗣真堅悅堅慧嗣堅仁堅義舒志念有貴淨廣淨
亮嗣敬淨寶宏懋法成元紀掌事實寶璫寶綺傳意寶璋嗣閔

頭首善福宗方至初寶璫寶瓊元栗堅愍當代住持永吉識
羊城匠人呂從政鑄造凡五十八行三百九十七字字多訛
俗淳熙宋孝宗年號不值癸酉癸酉為咸淳九年此作熙淳
熙蓋咸之誤也自咸淳癸酉至至正戊戌歷八十五年矣由
有薛王府字薛王者

賀秘監祠堂碑在鄞縣篆額題賀秘監祠堂記六字旁作麟
鳳畫象至正二十年七月立文云唐秘監賀知章字季真世
居四明小谿湖上性曠達無俗韻嗜酒善隸草書晚年尤誕
放逍遙夷猶自號四明狂客嘗擢官科累官大常博士開元
間以禮部兼集賢遷太子賓客授秘書監天寶初一旦棄官

去若弊屣著黃冠道士服請易居宅為干龜觀詔許之仍賜鏡湖剡川一曲蓋其抱高世絕俗之姿瀟灑出塵之表儀形丰度鸞翔鵠峙蟬蛻污濁之中神遊八極泥塗軒裳浮雲富貴翩然高舉介然遠引而不顧者也知汚世之不可為也故寄迹老子以遊方之外知元宗好誕將必弗其請也故託為夢帝所之說以歆動其聽不能終遠其鄉也故又請鏡湖剡川以居之清風高致千載而下聞斯興起宋紹興間郡守莫將訪其讀書故地闢逸老堂於城西隅月湖之曲與李太白同祀蓋取白稱其為逸老也寶慶中守胡榘又更為隱德堂以漢四皓黃公並祀蓋擬同郡同德既而燬廢尋屬其址為

驛傳至元更化因之弗改至正十九年冬江浙行中書省理問官邱楠奉省命繕修館舍得碣像蕪穢中爬掌刮滌衣冠儼如即驛東偏別作祠堂三楹以專祀徹黃公李白位設椒醑奠之昭崇敬焉於是吞吐湖光以據十洲島嶼之勝而雲煙月露徘徊於牛斗之間者尚想先生之風可陟也彼車塵轍迹宦途鞅掌過祠下趨館穀甯無一二竦息者乎而邱君能表而出之其志為可尚已徵記於余辭不獲而為之書至正庚子七月既望記前列碑題一行次列書撰人銜名承務郎江浙等處行中書省左右司郎中劉仁本撰奉議大夫僉浙東海右肅政廉訪司事史銓書中奉大夫江浙等處行中書

省參知政事周伯琦篆後題鄉老胡世佐孫蒙鄭覺民迺賢
楊彝立石徐中裕刻凡二十一行行三十四字正書方界格
錢潛研有目無跋兩折金石志載此文無一缺損今行末已
泐十二字阮跋引至正十三年以是堂并後涵虛館改置水
馬站分南北二館而祠廢此邱楠奉省命繕修而仁本記之
也仁本字德元天台人為方國珍參謀至正庚子仁本治師
餘姚作雩詠亭為續蘭亭會有圖刻石傳世祥按胡槩廬陵
人銓之孫宋史附其祖銓傳邱楠見明史方國珍傳至正二
十五年銅漏壺銘為楊彝所撰阮跋云錢塘人官至翰林學
士疑即其人碑為鎮江太守趙粹甫佑宸所貽粹甫鄞人余

丙辰分校所得士由詞館外擢

桂林修城碑陰記在桂林東城樓揚子春撰篆額題碑陰記
三字至正廿一年十一月立碑分四截上截記四十行文云
廣西古南越地當楚越之交秦漢為旁郡史祿開靈渠漕運
乃通歷代更革不一隨廢始安郡為桂州總管府置大使唐
因其舊尋改大都督府後又升為節鎮宋置經略安撫司國
家混一寰宇建元帥府立廉訪司以紀劾一道稽之分野則
唐僧一行宋蘇文忠公諸說以湘南為鶉尾之次桂林當軫
十一度其論迺有所據我朝承平百年蠻夷率報城池稍以
廢弛至正十有一年監憲也兒吉尼公憲副是邦明年淮右

盜起湖廣不守賊遂入湖南衡永皆警嶺海震動公諭衆曰
八桂根本一十六州國保於民民保於城乃議建築城池以
為設險守國之要遂捐俸於官貿易海艇積以歲月息倍至
萬經制之費皆出於此以至正十六年冬十月甲子鳩工軍
民就役者五千餘人自北而東由南而西城廣袤三千七百
丈監築官吏分命督役人各賦四十丈鑿石於山督工吏士
凡二百餘人計日取石皆有數工匠及軍民充夫役者日給
鹽折錢一百文廩米三升凡城內外自頂至踵皆甃以大石
潘米為膏煉石為灰擣如堊泥塗澤其中城兩廂皆砌石三
重基址堅厚自下樹石櫛比而上端方周正文理緻密繚繞

周迴一十餘里起於東北寶積山連風洞因山為城增卑益
高築女垣建睥睨各數十百丈東為就日門又東為癸水門
為行春門又正東為東江門正南為安遠門為通明門左為
掖門以達東江門又南為小南門又西為麗澤門為西城門
西北為寶賢門正北為迎恩門為安定門為拱辰門為鎮嶺
關城門皆建樓閣設闔闔其最大者為逍遙樓下各為磴道
以便登陟團敵為臺者三十九臺上建樓樓皆外向以便觀
覽團敵之中又其大者建雄邊樓城門樓閣高廣又倍之守
城吏士為周廬五十三所以庇風雨城上壘埤外向皆有箭
眼內亦設女墻以防墜佚城之顛面皆砌以甃石其平如砥

外築闌馬墻以護城輪奐一新雉堞相望流水縈帶羣山聳立長虹夭矯煙雲相連誠一道偉觀肇基於至正丙申之冬竣事於庚子歲之八月凡一歲畊獲之時休暇以卹民力以實計之四~~年~~季而克成厥事其勤可謂至矣城以丈計三千七百有奇城高二丈有奇城面闊三丈有奇以丈計當用之石一千餘枚為石三百一十萬八千有奇工石之工以日數之六十三萬五千五百有奇軍民夫役之在官者以日數之一百二十四萬六千四百有奇城臺之樓以間數之一百七十五楹有奇竹木之數計百餘萬灰與米和而為膏計米四千八百五十石有奇灰以石計三十餘萬有奇瓴甃之數五

十萬有奇金錢之用以斤計之一十萬三千~~八~~百有奇財用之廣鹽以引計九千九百有奇折錢~~緡~~三十九萬一千七百有奇軍民之役於官者傭工廩稍為米三萬一千七百二十石有奇犒賞之用不在數焉其費可謂大矣是役也官吏督工役者一百七十八人工石之工一千二十七人竹木之工一百一十八人取石于山監臨官吏二十七人吏卒四十人惟百執事之駿奔兵若民之效力其勤勞之至四季于茲城築大事也不可以不書爰命備述其事勒之碑陰云至正二十一年~~年~~龍集辛丑十有一月丙寅賜同進士出身將仕郎清湘縣丞蜀郡楊子春謹記下三截列築城官吏夫役姓氏有

提調築城官吏總提調一應錢糧提調東西二山取石收支
鐵器收支篋纜一應什物監督各山運石監督砌城監督軍
夫平土收支供給一應錢糧修造運石船隻收支焚漿柴薪
木植提調焚漿和灰收支石灰監督砌城排日計工提調民
夫提調軍夫監取山石公使人監砌女牆提調燒造甃瓦監
督取山收支搭蓋竹木茅草收辦鍊鐵木炭起蓋城上樓櫓
諸名目以及夫匠石匠夫役軍夫水夫泥水匠木匠竹篋匠
造船造桶匠鐵匠等名數

烏石山國書七字魏稼生齋尹寄貽云副使側□書審之未
見署款